

淵鑑類函

卷三十四之卷三十六

淵鑑類函卷三十四

地部十二

谷

澗

浦

井

谷一

原爾雅曰水注谿曰谷

增說文曰泉出通川曰谷

書注谷是兩山間流水之道

原毛詩曰葛之覃兮施

於中谷維葉萋萋

又曰伐木丁丁鳥鳴嚶嚶出自幽

谷遷于喬木

又曰皎皎白駒在彼空谷

增又曰高

岸爲谷

書曰宅嵎彛曰暘谷

原老子曰谷得一以

盈谷無以盈將恐竭

增又曰知其榮守其辱爲天下

谷

又曰上德若谷

家語曰溪谷爲牝

秦紀曰斬

山堙谷 漢司馬相如曰右以湯谷爲界注日所出處

唐韓愈文曰陷者呀然成谷 總記谷名北直房山

有賈島谷 景州有盧師谷 密雲縣有掛甲谷 江

南黠縣有樵貴谷 松江有華亭谷 山東臨淄縣有

愚公谷 莒州有崢嶸谷 山西中條山有王官谷以

王官廢壘爲名又有郎君谷 介休縣有雀鼠谷 夏

縣有柳谷 唐縣有老姑谷 高平縣有省窵谷即趙

卒坑處舊呼殺谷唐改名省窵 河南濟源縣有盤谷

又有天井谷 登封縣有鬼谷 羅山縣有石人谷

陝西終南山有太乙谷 驪山有鸚鵡谷 又有馮

公谷 藍田縣有白鴉谷 長安縣有豹林谷 宜君

縣有鳳凰谷 成縣有公主谷 臨潼有坑儒谷 秦

州有雕窠谷 臨城縣有牛口谷 褒城縣有褒谷斜

谷又有箕谷 洋縣有子午谷有箕管谷又有儻谷駱

谷黃金谷 鳳縣有父子谷 黎州有彈琴谷盤龍谷

蘭州有榆谷 夷陵州有琮瑤谷 長沙嶽麓山下

有蒼篔谷 永州江華縣有暖谷 江西五老峰下有

青牛谷又有棲賢谷 九江府有康王谷 寧都有延

春谷 金溪縣有錦繡谷 福建建陽縣有雲谷即朱

晦庵構草堂於此有桃溪竹塢漆園藥圃諸勝 南漳

有刺木谷漢孝子丁蘭所居 廣州英德縣有涵暉谷
滇南大理府有放光谷云是藥師道場四面放佛光

谷二

增漢律曆志曰黃帝使伶倫取竹之嶰谷生其竅厚均
者斷兩節吹之以爲黃鐘之宮 文選曰虞舜沈珠於

淵抵壁於谷

原博物志曰夏桀之時爲長夜宮於深

谷之中男女雜處三旬不出聽政其後大風揚沙一夕

填此谷

增述異記曰廬山康王谷之巔有一城號爲

釗城相傳周康王巡歷名山至此 宋王禹偁序略云

康王谷水簾高三百五十丈其泉爲天下第一

原韓

子曰昔齊桓公入山問父老此爲何谷答曰臣舊畜牛
生犢以子買駒少年謂牛不生駒遂持而去傍隣謂臣
愚遂名爲愚公谷

增

左傳曰公會齊侯于祝其夾

谷

原

韓詩外傳曰孔子南遊適楚至於阿谷之隧有

處子佩璜而浣者孔子抽觴以授子貢曰以觀其辭

增

寰宇記曰鬼谷先生居清溪之鬼谷采藥得道顏如

少童

戰國策蘇秦說秦王曰大王之國東有殽函之

利按函谷舊關在靈寶老聃西度田文東出之處函谷
新關在新安項羽坑秦降卒於此

原

劉向別錄曰方

士傳言鄒衍在燕燕有谷地美而寒不生五穀鄒子居

之吹律而溫氣至而穀生今名黍谷

增衛宏古文奇

字序曰秦既改古文爲篆隸恐天下不從乃密令冬月種瓜于驪山谷中溫處皆熟詔博士諸生說之前後七百人人人各異則皆使往視因伏機陷之後人號之曰坑儒谷 史記曰張良送漢王至褒中說以燒絕所過棧道按褒中即褒斜谷也舊有棧閣二千九百八十九間板閣二千八百九十二間歷代增損不一 **原**漢武故事曰上時微行至栢谷舍於逆旅翁罵之因從乞漿翁曰止有溺無漿也 **增**王莽傳曰通子午谷從杜陵直絕南山經漢中 漢書曰鄭子真隱於谷口故曰鄭

谷按谷口即箕谷之口也 抱朴子曰南陽鄧縣有甘

谷水左右生甘菊花隨其中飲者無不壽 三國志曰

蜀姜維出師駱谷又魏曹爽自駱谷入漢中 **原**戴延

之西征記曰梓澤去洛城六十里梓澤金谷也中朝賢

達所集賦詩猶存是石崇居處 **增**十道志曰鞏縣東

有大谷潘岳閒居賦張公大谷之黎即此 唐書曰司

空圖隱中條山王官谷作亭名休休盜賊所過獨不入

王官谷 又曰陽城隱居夏縣之柳谷以學行著宰相

李泌薦拜諫議大夫 五代史補曰武行德業採樵有

力謂可負一谷之薪號武一谷 宋蔣之奇作暖谷記

地部 卷三十一 谷

曰方盛寒入此谷雖挾續熾炭不若也

谷三

原無私

為牝

幽谷無私有致其響
下家語見谷一

入幽

守辱

易

卦辭入于幽谷下
出老子見水一

為陵

無底

詩深谷為陵
深谷無底

抵壁

覆簣

上見谷二
覆簣于浚谷

取竹

隋花

並見
谷二

秦關

石館

上見前兩谷
詳石崇金谷別館

增雲門

天井

鄧城縣有雲
門谷盤石西

有天

子午

褒斜

上見谷一
下見谷二

康王

馮公

並見
前敘

公主

郎君

成縣有公主
王靈字大年

魏宣武時

賜為公主

至河中結廬

丁中條山谷中朔望一
歸者故詩號郎君谷

愚公

老姑

上見谷二
老姑谷在唐縣葛

淇山之南宋時有一老姑謂人曰
貧道在此二百年矣言畢飛昇

棲賢

坑儒

宗少
文卧

游錄云廬山之陽有棲賢谷多大
石水聲如雷下坑儒詳前谷二
黃金白石

洋縣白石谷在
清源縣之白石山
掛甲彈琴
密雲縣掛甲谷宋楊
延即北征掛甲于此

出黎州彈琴谷以水
遮馬盤龍
遮馬谷在河津縣
盤龍谷見前黎

州牛口馬翅
童謠云竇入牛口勢不得久竇建德
被擒於此宋李永奇挈家至馬翅

谷為金人所害
原出絲泉量牛馬
書岱畎谷名出絲泉
史記烏氏僕保人名石

量牛馬不知數也
起淒風曳寒煙
文選淒風起東谷
寒谷曳寒煙

鄭真耕李愿隱
並見前敘
產靈芝生甘菊
永和縣谷中產芝草

甘谷下詳
原風浸淫日罕照
宋玉風賦浸淫溪谷盛
怒于土囊之口下見

後周景增鳳凰建宮
鳴鵲營第
宜君縣鳳凰谷唐
建玉華宮韋嗣

立營別第于驪山鵲鳴谷
中宗陸幸命從官賦詩
剝白鴉粟步青牛雲
藍

白鴉谷口出栗杜詩盤剝白鴉谷口栗五老峰下青
牛谷因道士洪志乘青牛于此冲舉唐楊衡詩隨雲步
入青牛谷青牛
道士留我宿
筓簞遺畫
蒼筤賜額
東坡畫乃筓

當谷偃竹
嶽麓山下蒼筤谷是尚書鍾
仙巢舊隱上有吹香亭宋理宗手題其額

谷四

原名愚
見前

堙
見秦紀

上德
見前

晦
大谷晦

名鄭
見前

增**咀以石門**
左思蜀都賦云咀以石門
謂箕谷之口有石如門也

白衣士
元稹詩念昔白衣士結廬在石門按石門
在箕谷口則所念白衣士即念子真也

原**出泉**
見前

出風
颼颼出

足音
空谷足音

曠兮
其若

增**攢青楓**
李白詩攢青楓

隱瓊草
李白詩瓊草隱幽谷

深藏

數十家
杜甫詩傳道東柯谷深藏數十
家東柯谷子美姓佐所居也

陰崖茅屋
杜甫

詩故人今居子午谷
獨在陰崖結茅屋

呀然韓愈文陷者
呀然成谷

謙受言德

韓愈文其石谷曰謙
受之谷谷言德也

黃金言容其土谷曰黃金之
谷谷言容也同上

靈草木古衣冠

樵貴谷在駭昔有樵者入此谷豁然清
曠謂之小桃源李白詩地多靈草木人

尚古衣冠
即指此

相邀錦繡金溪縣有錦繡谷宋王安石還
家詩有相邀錦繡谷中春之句

谷五

增歌唐韓愈送李愿歸盤谷歌曰盤之中維子之宮盤

之士維子之稼盤之泉可濯可浴盤之阻誰爭子所窈
而深廓其有容繚而曲如往如復嗟盤之樂兮樂且無
殃虎豹遠跡兮蛟龍遁藏鬼神守護兮呵禁不祥飲且
食兮壽而康無不足兮奚所望膏吾車兮秣吾馬從子

于盤兮終吾生以徜徉

增

唐韓愈和盧郎中雲夫送盤谷子詩曰昔尋李愿

向盤谷正見高崖巨壁爭開張是時新晴天井溢誰把
長劍倚太行衝風吹破落天外飛雨白日灑洛陽東蹈
燕川入曠野有饋木蕨芽滿筐馬頭溪深不可厲借車
載過水入箱平沙綠浪榜方口鴈鴨飛起穿垂楊窮探
極覽頗恣橫物外日月本不忙歸來辛苦欲誰爲坐令
再往之計隋渺茫閉門長安三尺雪擁書撲筆歌慨慷
旁無壯士遣屬和遠憶盧老詩顛狂開緘忽覩送歸作
字向紙上皆軒昂又知李侯竟不顧方冬獨入崔嵬藏

我今進退幾時決十年蠢蠢隨朝行家請官供不報答
無異雀鼠偷太倉行抽手版付丞相不待彈劾還耕桑
宋韓琦過吳兒谷詩曰曉入吳兒谷危途信不虛千
峰疑絕路一逕俯容車山鳥過雲語田夫半嶺鋤時平

盡周道天險欲何如 宋孫覲題谷隱詩曰碧瘦莪千

疊清深漲一篙紅輕花似肉綠細柳如縲句好無強對
神超有獨遨葦間青篛笠髣髴見秦逃 宋朱熹康王

谷水簾詩曰循山西北驚崎嶇幾經丘前行荒蹊斷豁
見清溪流一涉臺殿古再涉川原幽縈紆復屢渡乃得
寒巖洑飛泉天上來一落散不收披崖日璀璨噴壑風

颼颼追薪爨絕品淪茗澆窮愁敬酌古陸子何年復來遊

原賦晉胡濟灑谷賦曰嘉高岡之崇峻兮臨元谷以遠覽仰高丘之崔嵬兮望清川之澹澹爾乃涉重險陟榛薄倚春木臨幽壑深谷豁以窈藹高峰鬱而崖峩

原序晉石崇金谷序曰余有別廬在河南界金谷澗中或高或下有清泉茂竹衆果竹木草藥之屬

增唐韓

愈送李愿歸盤谷序曰太行之陽有盤谷盤谷之間泉甘而土肥草木叢茂居民鮮少或曰謂其環兩山之間故曰盤或曰是谷也宅幽而勢阻隱者之所盤旋友人

李愿居之

原記周景式廬山記曰石門是一大谷谷中有修林萬頃偉木千尋日月之光罕照焉

增宋蘇軾爲文與可

畫簣當谷偃竹記曰與可以所畫簣當谷偃竹遺予曰此竹數尺耳而有萬尺之勢簣當谷在洋州與可嘗令予作洋州三十詠簣當谷其一也予詩云漢川修竹賤如蓬斤斧何曾赦籜龍料得清貧饑太守渭濱千畝在胸中與可是日與其妻遊谷中燒筍晚食發函得詩失笑噴飯滿案

澗一

原釋名曰澗間也言在兩山間也 說文曰澗山夾水

也從水間聲 爾雅曰山夾水曰澗 **增**詩曰考槃在

澗碩人之寬 左傳曰澗溪沼沚之毛 **原**韓宣子曰

董安于爲趙上地守行石阜山見深澗峭如牆深百仞
問其鄉左右曰人嘗有入此乎曰無有有嬰兒狂聾人
入此乎曰無有有牛馬犬入此乎曰無有安于歎曰吾
能治矣使吾法之無改猶入澗之必死則民莫之犯也

增夢溪筆談曰世傳虹能入溪澗飲水信然熙寧中

予使契丹至其極北黑水境永安山下卓帳是時新雨
霽見虹下帳前澗中予與同職扣澗觀之虹兩頭皆垂

澗中使人過澗隔虹對立相去數丈中間如隔綃縠自西望東則見立澗之東西望則爲日所鑠覩久之稍稍正東踰山而去次日行一程又復見之

澗二

增寰宇記曰神農澗在溫縣昔神農採藥至此以杖畫地遂成澗 又曰空桑澗在嵩縣相傳有莘氏女採桑

伊川得子於空桑中故名 水經注曰赤松澗在東陽

赤松子遊金華山以火自燒而化澗自山出故曰赤松

澗 盧氏嵩山記曰半馬澗或云百馬澗亦曰拜馬澗

故老傳王子晉得仙而馬還國人思之乃拜其馬於此

原漢書曰沛公與項籍臨廣武澗而語數籍以十罪
增東觀漢記曰耿恭以疎勒城傍有水徙居之匈奴
來攻絕其澗水窄馬糞汁飲之 夢溪筆談曰壽州八

公山側土中及溪澗之間往往得小金餅上有篆文劉
主字世傳淮南王藥金也 魏都賦曰虎澗龍山相爲

倚伏按虎澗在彰德一名虎礪 晉史曰陶淡侃之孫

也好讀易結廬山中養一白鹿自偶親故有候之者輒
移渡澗水人莫得近 孫綽蘭亭序曰以暮春之始解

襍南澗之濱 原異苑曰符堅爲慕容冲所襲堅馳騶

馬隨而落澗追兵幾及計無由出馬即跼蹐臨澗垂控

與堅堅不能及馬又跪而授之堅援之得登岸而走

增

後燕錄曰晉劉牢之與慕容垂戰敗牢之走策馬跳

五丈澗得免

唐白居易集東澗種柳詩有三年未離

郡可以見依依之句澗在重慶忠州治西開元寺側蓋

樂天爲忠州時鑿也

通鑑曰宋胡瑗布衣時讀書泰

山十年不歸得家書見上有平安字即投之澗中不復

展讀

廣州記曰甘溪澗在番禺縣水味極甘冷又名

菖蒲澗澗中產菖蒲一寸九節

南越志云宋咸平中

姚成甫於澗側遇一丈夫曰此菖蒲安期生所餌可以

忘老條焉而逝今俗以七月二十五日安期生上昇相

率爲蒲澗之遊履綦駢錯 搜神記曰南陽劉麟之好
遊山水嘗採藥至衡山深入忘反見有一澗水水南有
二石困一閉一開水深廣不得渡欲還失道遇伐弓人
問徑僅得還家或說困中皆仙方靈藥及諸雜物麟之
欲更尋索不復知處矣 王韶之神境記曰九疑山半
其路皆蒼松翠竹下夾清澗澗中多黃色蓮花秋夏時
香氣盈谷

澗三

源考槃

厲急

上詩見澗一
詩過澗既厲急

謝靈運斤竹澗
注以衣涉水曰厲

五

丈

百仞

上見劉牢之跳澗
下見董安字論法

增磨針

亘石

磨針澗
在均州

大和山即真武遇老媪處

柳宗元石澗記巨石為底

解襟

移渡

上詳孫綽序下見陶淡

多渡

遊人

飲虹

拜馬

上詳澗一

採藥

泛蒲

劉麟之因採藥

入鶴山深澗

廣南于七月二十

五日相率為蒲澗之遊並詳前敘

磊磊

石澗

何泠泠文選

磊

增偶白鹿

乘黃犢

上係陶淡

劉渙

嘗乘黃犢往

來南康西澗

開黃蓮

種綠柳

黃蓮見前九疑山清

種柳見前白司

馬忠州

拾金餅

見石困

金餅見前敘八公山溪澗

石困見前劉麟之入衡

澗

漱鳴玉

羹香芹

文選飛泉漱鳴玉

杜詩香芹碧澗羹

澗四

原

采蘩

詩于以采蘩于澗之中

采蘋

于以采蘋南澗之濱

斯干

秩秩斯

干澗也

增行斤竹

見謝靈運詩題

老夫自汲

杜甫酬薛丈詩

深不

澗

過咫尺

韓愈上于頔書澗谷之水深不過咫尺

赤足踏

韓愈詩當流赤足踏澗石

流若織紋響若操琴

見柳柳州石澗記中

縈迴

李白詩澗谷隨縈迴

鳴

騶

韋應物詩鳴騶響幽谷

躡石欹危

同上躡石欹危過碧澗

一逕如蛇

三百曲

見楊萬里遊蒲澗詩

玉澗三十六

玉澗源出新淦縣玉笥山迴互紆曲號三十六

澗五

原歌 宋徐諼華林北澗歌曰總長潭兮括遠源下沈溜

兮起輕泉迴谿浚兮曲沼阻衝波激兮瀨淺淺貫九谷

兮積靈芝飛清濤兮潔澄漣

原詩 梁劉孝威賦得曲澗詩曰澗流急易轉溪竹閑難

開近樓俄已失前洲忽復迴石岸生寒蘚沈根漬水苔
菱舟失道去歸鳧迷逕來

增

唐韋應物滁州西澗詩

曰獨憐幽草澗邊生上有黃鸝深樹鳴春潮帶雨晚來
急野渡無人舟自橫 唐王維烏鳴澗詩曰人間桂花

落夜靜春山空月出驚山鳥時鳴春澗中 唐白居易

遊石門澗詩曰石門無舊逕披榛訪遺跡時逢山水秋

清輝如古昔常聞惠遠輩題詩此巖壁雲覆莓苔封蒼

然無處覓蕭疎野生竹崩剝多年石自從東晉後無復

人遊歷獨有秋澗聲潺湲空旦夕 宋鄭繇經慈恩澗

詩曰岸與恩同廣波將慈共深涓涓勞日夜長似下流

心 宋葉夢得憶朱氏西澗詩曰澗下流泉澗上松清
陰盡處有層峰應知六月冰壺外未許人間得暫逢

宋楊萬里遊菖蒲澗呈周帥蔡漕張舶詩曰勝日從公
蒲澗遊萬壑聲滿千崖秋一逕如虵三百曲繞盡山腹
到山頭穹巖千仞敲欲裂仰看飛泉瀉雲窟鏘成環珮
奏成琴濺作珠璣霏作雪步穿危磴攀蒼藤忽上穹巖
頂上行人在半天泉在井不敢下瞰惟聞聲只怪前驅
深不見須臾却向前山轉海風吹袖萬丈長海水去人
一弓遠老僧高卧晏未興先遣長松夾道迎小參古殿
黃面老不見舊日安期生景泰上方半堵壁城中望之

雪山白却從景泰望城中曉日樓臺煥金碧君不見中
流千金博一壺不如遊山飢時粥一盂金印繫肘大如
斗不如遊山倦時一杯酒安期飛昇今幾年祖龍不是
不求仙至今年年七月二十五傾城遊人來訪古 宋

趙師秀訪韓中止不遇題澗上詩曰隔澗竹扉深蒼童
引客尋雖然垂晤語猶得見園林野蔓殊妨步山蟬亦
好吟石根泉數斗清冷應人心 宋真山民朱溪澗詩

曰路轉峰迴又一邨天寒大半掩柴門雲融山脊嵐生
翠水鬻沙洲樹出根任擁重裘風亦冷未投荒店月先
昏今宵只傍梅花宿羸得清芬入夢魂 宋紀青宿石

公澗中詩曰小閣久留高士卧鹿皮夢破石牀苔半林
曙色生巖牖山鳥不來山雨來 明李東陽梅澗詩曰
地僻沙寒水更清老梅偏向澗邊橫風吹落瓣仍低隕
石壓傍枝却倒生野鶴對人輕欲舞蹇驢衝雪瘦能行
山翁只在中老看盡春光不入城 明釋宗泐入孤
澗詩曰谷裏何人住山腰有徑通老猿時掛樹好鳥自
吟風古澗寒泉碧連山夕燒紅隱居慙未遂明日片帆
東

原記唐柳宗元石澗記曰石渠之事既窮上由橋西北
下土山之陰民又橋焉其水之大倍石渠三之一亘石

爲底達於兩涯若牀若堂若陳筵席若限闌與水平布
其上流若織文響若操琴揭跣而往折竹掃陳葉排腐
木可羅胡牀十八九居之交絡之流觸激之音皆在牀
下翠羽之木龍鱗之石均蔭其上古之人其有樂乎此
耶後之來者有能追余之踐履耶得意之日與石渠同
由渴而來者先石渠後石澗由百家瀨上而來者先石
澗後石渠澗之可窮者皆出石城邨東南其間可樂者
數焉其上深山幽林逾峭險道狹不可窮也

浦一

原說文曰浦水濱也 風土記曰大水有小口別通爲

浦 **增**雞跖集曰李賀謂天漢爲銀浦 潘閔詩曰渙

浦風水急 杜甫詩曰蕭條別浦清 李華詩曰凌灘

出極浦 蘇軾詩曰遙度清涼浦 又蟬噪垂楊浦

總計浦名 淮稱淮浦 洛稱洛浦 金陵有西浦亦

名項浦 池陽有秋浦 太平有繁昌浦 松江有五

大浦曰大盈曰顧會曰崧子曰盤龍曰趙屯諸浦或入

江或入泖 上海有黃浦又有周浦鶴沙浦 毘陵亦

有申浦 京口有屠兒浦 廣陵有公路浦 儀真有

胥浦 廬州有箏笛浦又有藏舟浦 和州有當利浦

嘉禾有澉浦乍浦 湖州有掩浦 臨安有鐵幢浦

又有富春浦 越州有嶧浦 夔州有魚復浦 武昌

有黃軍浦 江夏有南浦以其在郭之南故名 荊州

有劉郎浦 岳州有三湘浦 長沙有青楓浦 澧州

有澧浦 江州有湓浦又有女兒浦 湖口有射蛟浦

廣州有沈香浦又有合浦溪浦 廣西有浴海浦

浦二

增詩云率彼淮浦 **原**楚辭曰望美人兮南浦 又曰

出淑浦而邇迴 **增**又曰捐予珮兮澧浦 又曰遺子

珮兮蠡浦 輿地記曰儀真胥浦乃子胥解劍渡江之

處 又曰黃浦東海之喉吭也以黃歇封此名黃浦又

曰春申浦 又曰射蛟浦在湖口相傳漢武教樓船處
又云漢武自潯陽浮江親射蛟獲之故名

原後漢書

曰孟嘗爲合浦太守行化一年去珠復還

增荊州記

曰劉郎浦因漢昭烈帝娶孫夫人渡此故名 廬州記

曰箏笛浦在廬州城內漁人嘗夜聞箏笛聲云是曹操
溺妓女舟於此 文選曰魏陳思王遇神女於洛浦作

洛神賦

原

伏滔北征記曰廣陵西一里水名公路浦

袁術自九江東奔袁譚於下邳由此浦渡因名

即今淮口

述征記曰興浦舊魏步道吳揭水灌之今絕道爲浦

增輿地記曰武昌鸚鵡洲下三國時黃蓋屯兵於上故

名黃軍浦沈攸之謂泊黃金浦蓋聲之訛也 寰宇記

曰廬州城內有浦長八十丈魏將張遼禦孫權鑿之以

藏戰艦故名藏舟浦 圖經云松江澱山湖東有大盈

浦孫權造青龍戰艦之所 **原**劉楨京口記曰縣城東

南大路過長岡五里得屠兒浦昔諸屠兒居此小浦因

以爲名也 **增**輿地記曰和州城東有當利浦晉王濬

平吳水軍揚帆順流於此而下王渾以旗招之報云風

利不得泊遂先入石頭後因以當利爲名 郡國志曰

金陵西浦即晉張碩捕魚遇神女杜蘭香之處 異苑

曰晉阮明泊舟西浦見一青衣女子彎弓射之女即軒

雲而去

原

顧微廣州記曰溪浦口有蒲母養龍裂斷

其尾因呼龍掘人時見之則土境大豐而利涉也

增

又曰晉時吳隱之爲廣州刺史及歸其妻劉氏取沉香一片隱之命投諸江遂名沉香浦 廬山記曰江州青

湓山有井形如盆故城號湓城浦曰湓浦 蕭子顯齊

書曰世祖于湓浦得五尺刀十一口應永明享曆之數

文選江淹別賦曰春草碧色春水綠波送君南浦傷

如之何 輿地記曰池陽秋浦李太白愛其山水之勝

常欲家焉 臨安志曰吳越王射潮箭所止處嘗立鐵

幢故錢塘江上有鐵幢浦 郡國志曰上海鶴沙浦一

名下沙浦宋宣城吳潛侍父讀書于此後爲開慶名相
董穀澈浦志曰澈乍二浦俱濱海元代設市舶司倭
商番賈航海湊集而至元間澈浦爲尤盛至今澈上有
名十間樓者乃當年楊市舶司教歌伎樓也

浦三

原率

淮入澈

上見詩經
下見楚詞

送君

溺妓

送君南浦
箏笛浦曹操

常溺
妓舟

遺珮

投香

上見楚詞
下詳沈香浦

藏舟

弭棹

上詳
藏舟

浦
吾棹兮漉之浦

皮日休詩
彈

射蛟

捕魚

上詳射蛟浦
魚見張碩西浦

捕

碧草

綠波

並見
南浦

蟬噪

雁驚

東坡詩蟬噪垂楊浦
王勃滕王閣序雁

陣驚寒聲斷
衡陽之浦

龍艦

鐵幢

龍艦見前大盈浦
鐵幢浦是吳越王事

望

地部

浦

浦

浦

美人

遇神女

上見楚詞
下見洛神賦

號春申

名公路

並詳前敘

南濟魚龍

夜聞箏笛

夏口浦有魚龍大禹南濟黃龍夾舟之處

下詳浦二

劉郎娶婦

孟守還珠

並詳浦二

黃蓋屯兵

伍胥解

劍

並詳前敘

白吟獨樹

李詠新林

白居易有獨樹浦詩
李白有新林浦阻

詩風

浦四

增

廻塘

簡文帝入敬浦詩
沈水入迴塘

荒樹寒沙

丘遲漁浦詩
森森荒樹齊浙寒沙

旦發夕逗

丘遲旦發魚浦
孝綽夕逗繁昌浦

對青崖

楊炯文浦對青

寂無喧

陳子昂詩
洲浦寂無喧

辭北渚宿南洲

陳子昂宿讓河浦詩

沿流辭北渚
結纜宿南洲

明如月

陳子昂詩
沙浦明如月

淨如洗

李白詩
沙浦淨

洗如

以此難挂席

李白新林浦阻風詩

挂帆劉郎

杜甫詩挂帆早發劉郎浦

欲歸灑西

杜甫詩欲歸灑西宅阻此江浦深

向來澄

杜甫詩江浦向來澄

舟楫不敢繫

杜甫宿繫石浦詩

潯陽草木

白居易潯陽孟冬月草

木未全衰

蘆荻花中

白居易蘆荻花中一點燈

覆溢水失廬

山白居易南浦詩

索索蕭蕭

同上海南浦詩風飄細雪落

如來索索蕭蕭

秋復秋

皮日休詩浦上蘆花兮秋復秋

朝夕潮至

陸龜蒙

蒙門外有水通浦敬而朝夕之潮至焉

女兒口

鄭諡過女兒浦詩浦口寒煙生白波

日

閃江豚風翻水鶴

盛或次漢浦詩日閃江豚背風翻水鶴巢

潮落西陵渡

崔國輔宿范浦詩月暗潮又落西陵渡暫停

浦五

地部

浦五

浦

原

詩梁簡文帝入溲浦詩曰汎水入迴塘空枝度日光

竹垂懸掃浪鳧疑遠避檣 梁丘遲旦發漁浦潭詩曰

魚潭霧未開赤亭風已颺擢歌發中流鳴鞞響杳嶂邨

童忽相聚野老時一望詭怪石異象危絕峰殊狀森森

荒樹齊浙浙寒沙漲藤垂鳥易陟崕傾嶼難傍 梁劉

孝綽夕逗繁昌浦詩曰日入江風靜安波似天流暮煙

生遠路夕鳥赴前洲 **增**唐崔國輔宿范浦詩曰月暗

潮又落西陵渡暫停邨煙和海霧舟火亂江星路轉定

山遶塘連范浦橫鴟晏近何去空山臨滄溟 唐李白

新林浦阻風寄友人詩曰潮水定可信天風難與期清

晨西北轉薄暮東南吹以此難掛席佳期益相思海月
破圓影菰蔣生綠池昨日北湖梅開花已滿枝今朝東
門柳夾道垂青絲歲物忽如此我來定幾時紛紛江上
雪草草客中悲明發新林浦空吟謝朓詩 唐杜甫發
劉郎浦詩曰挂帆早發劉郎浦疾風颭颭昏停午舟中
無日不沙塵岸上空邨盡豺虎十日北風風未迴客行
歲晚尤相催白頭厭伴漁人宿黃帽青鞋歸去來 唐
陳子昂宿空舫峽青樹邨浦詩曰的的明月水啾啾寒
夜猿客思浩方亂洲浦寂無喧憶作千金子寧知九逝
魂虛聞事朱闕結綬驚華軒委別高堂愛窺覲明主恩

今成轉蓬去歎息復何言

又宿讓河驛浦詩曰浴流

辭北渚結纜宿南洲合岸昏初夕迴塘暗不流卧聞塞
雁斷坐聽峽猿愁沙浦明如月汀葭晦若秋不及能鳴
雁徒思海上鷗天河殊未晚滄海信悠悠 明藍仁晚
浦歸帆詩曰估客前年去扁舟此日迴煙生全浦暝風
健片帆催桂楫看將近柴門認半開隣人攜酒饌歡笑
慰歸來 明郊韶過女兒浦詩曰浦口寒煙生白波蘋
花風急棹舟過人家一路青山下只有秋田落雁多
明盛或舟次漢浦詩曰漢浦揚帆秋水高青山小朶出
林梢浪開日閃江豚背草亂風翻水鶴巢破產曾無匡

國計辭家徒有故人袍長年三老歌相答一夜霜華入
鬢毛 明謝績東浦夜泊詩曰日落潮生浦天空月上
沙歸舟與飛鳥相趁入蘆花 明程元輔過澱湖泊石
浦詩曰沙浦偃秋風湖雲藏夕雨何處遠行人飛帆下
石浦 明王穉登黃浦夜泊詩曰黃浦灘頭水拍天寒
城如霧柳如煙月沈未沈魚觸網潮來欲來人放船
原表宋王弘廣陵前浦開表曰伏聞廣陵前浦榛蕪歷
久近復開除清源虛邃含明內鑒瑞以數致象以類應
夫如是者鸞響鳳儀可停矚而須矣

原釋名曰井清也泉之清潔者也 易傳云井通也物

所通用也 說文云八家爲井象構幹形甕象也 風

俗通云井者法也節也言法制居人令節其飲食無窮

竭也久不涇滌爲井泥易井泥不食不停汚曰井滌易井滌不食

治也去汚穢之名也滌井曰浚井水清曰冽井甃聚磚修井也甃

收反易井甃尤咎**增**易井卦改邑不改井往來井井 又曰

舊井无禽 又曰井收勿幕謂不覆之以收其利**原**禮記云井

與門戶竈中雷爲五祀 周禮曰挈壺氏掌挈壺以令

軍井 **增**左傳曰塞井彘竈 又曰井堙木刊 又曰

目于眚井而出之眚井廢井也 莊子曰埴井之甃埴音謂

東海鼈曰吾樂歟吾跳梁於井幹之上休乎缺甃之涯
埴井之樂亦至矣奚不來觀乎東海之鼈左足未入右
膝已繫矣 又曰子貢過漢陰見一丈人方將爲圃畦
鑿隧而入井抱甕而出灌子貢曰有械於此後重前輕
汲水若抽名曰桔槔日浸百畦用力寡而見功多子不
欲乎丈人笑曰有機事者必有機心機心存乎胸中則
道之所不載也 **原**楚詞曰掩芳芷於腐井言井泉
腐臭也

增呂氏春秋曰宋丁氏無井常一人漑汲於外及自穿
井喜而告人吾穿井得一人傳之者聞於宋君召問其
故對曰得一人之使非得一人於井也 **原**風俗通曰

堂殿上作以象東井畫水草所以厭火故名藻井 魯

靈光殿賦曰圓泉方井反植荷蕖 戴延之西征記曰

太極殿上有金井金博山轆轤交龍負山於井上有金

獅子在龍下 **增**山海經注云崑崙墟在西北帝之下

都高萬仞面有九井以玉爲檻 **原**嵩高山記曰少室

山有雲母井井出雲母 **增**荊州記云夏至日浚井改

水冬至日鑽燧改火 **原**又云風井夏則風生冬則風

入 又云江陵縣東北有天井臺東臨天井井周迴二

里許中有潛室人時見之輒有兵寇 異物志曰廬陵

城中有一井中有二色水半青半黃黃者灰汁取作糜

粥皆作金色土人名灰汁爲金因名爲金井

增從征

記曰太山有上中下三廟廟前有大井水極香潔 楊

州職方志曰廣陵蜀岡上有井曰蜀井言水與西蜀相通茶品天下水有二十種而蜀岡水爲第七 壽陽記

曰三伏之日炎暑赫曦男女往來氣喘苦渴望見義井而喜未至則憂既至而樂俗呼爲歡樂井也 水經注

曰東阿北門阜上有井深六丈歲常煮膠以貢天府

益州記曰邛州城南有火井民取其火先投以家火投之少頃聲如雷光燄騰上民盛以竹筒拽行終日不滅又以井火煮鹽五斛水得五斛鹽家火煮之則無幾也

輿地記曰藍田縣玉案山有井水落井中輒作冰長
安不藏冰於此井取之 廣州志曰瓊州文昌縣有魚

爺井其水與海通有大魚白頭俗呼魚爺即出 郡國

志云會同有陷浴井其水與淪水通人以竹置井口得
之淪水其俗呼竹爲陷浴故名 南越志曰貴縣有司

命井 燕都游覽志曰出安定門外循古壕而東五里

有滿井井面五尺冬夏常滿井高於地泉高於井築亭
其上都人游覽之所 **原**瑞應圖曰王者清淨則浪井

出 浪井不繫自成也 洞冥記曰長安東七萬里有雲山山頭

有井雲從中出若土德王則黃雲出火德王則赤雲出

水德王則黑雲出金德王則白雲出木德王則青雲出
增附鑿井方 聞見後錄云洛陽楚氏掘井每不得
泉有術者云夜以水盛器若見星多者下有泉用之果
然 感遇傳曰青州刺史張士平中年夫婦皆瞽一日

遇書生爲開井一眼得新泉洗之眼俱如初因留其說
以救世其要曰子午之年五月戌酉十一月卯辰爲吉
丑未之年六月戌亥十二月辰巳寅申之年七月亥子
正月巳午卯酉之年八月子丑二月午未辰戌之年九
月申未三月寅丑巳亥之年十月申酉四月寅卯按其
方位年月日時鑿井卽爲福地士平拜受訖書生升天

去蓋太白星官也 附海井 癸辛雜識曰華亭縣市
中有一物如小桶無底非竹非木非金非石忽遇海舶
老商見之曰此至寶也名曰海井凡航海者必載淡水
自隨今得此但以大器滿貯海水置此井於水中汲之
皆甘泉矣急買之去

井二

原荆州記曰隨郡北界有厲鄉邨邨南有重山山下有
一穴父老相傳云神農所生內周圍一頃二十畝有九
井神農既育九井自穿 世本云黃帝見百物始穿井
增帝王世統曰堯時擊壤歌曰鑿井而飲 史記曰

瞽瞍使舜浚井與象共下石填之舜爲匿穴旁出 淮

南子云伯益作井而龍登元雲神棲崑崙 陳留風俗

記云雍丘縣夏后祠有神井能興霧電 管子云桓公

與管仲十日齋戒掘新井而柴焉 以柴覆井取柴也 郡國志

曰禹城有晏嬰井以水和膠入藥亞於東阿 瀨鄉記

曰老子廟中有九井汲一井餘井皆動 **原**異苑曰句

容縣有延陵季子廟廟前井及瀆恒自湧沸故曰沸井

于今猶然 亦曰沸潭 **增**韓詩外傳曰魯哀公使穿井三月

不得泉得一玉羊哀公甚懼孔子曰丘聞水之精爲玉

土之精爲羊此羊肝乃土耳其公命殺羊其肝即土也

地部

國語曰季桓子穿井獲如土缶其中有羊焉使問之仲尼曰穿井而獲狗何也對曰以丘所聞羊也丘聞之木石之怪曰夔蜩蝮水之怪曰龍罔象土之怪曰羸羊

寰宇記曰荊州章臺寺內有澆花井楚靈王所鑿 又

宋玉井在承天府學泮池側 郡國志曰板渚津南有

厄井漢高與楚戰敗遁井中追軍至見兩鳩從井出得

免厄 又曰汝寧固始縣治有漆井相傳漢高追項羽

至此以漆布井使不得通河水 搜神記曰漢惠帝二

年有兩龍現於蘭陵井中三日去京房易傳曰有德遭

害厥妖龍見井中 荊州記曰湘州南寺之東賈誼宅

有井上斂下大狀似壺即誼所穿井 漢書曰武帝造

井榦樓高五十丈

積木之高如井榦形

古舞曲曰淮南王自言

尊百尺高樓與天連後園廢井銀作牀金瓶素綆汲寒

漿

銀牀即井榦皆井上欄也

琅環記曰卓文君閨中庭內有一井

文君手汲則甘香用以沐浴則滑澤芳鮮他汲之與常

井等沐浴亦不少異至今猶存即文君井也 漢書曰

朱博爲御史大夫府吏舍百餘區井水俱竭 又曰益

州嚴貞觀有通仙井相傳此井與廣漢綿竹君平宅井

相通有人淘井得銅錢三徑可二寸因恍惚不安復投

井中立愈或云此君平卜卦錢也 郡國志曰傾井在

東鹿縣相傳漢光武徇師河北歷此三軍渴甚遇井苦
無汲具井忽傾倒水溢 又曰阿對井在河南府閩

樊

鄉西南阿對漢楊震家奴也嘗引泉以灌蔬因名 後

漢書曰耿恭守疏勒穿井十五丈不得水軍士渴乏笮
飲馬糞汁恭乃整衣向井再拜水泉奔出恭親挽籠揚
示之 寰宇記曰蘇耽漢時人事母以孝聞一日謂母

曰仙道已成上帝來召又云明年大疫取庭前井水橘
葉救之母果活百餘人今橘井在郴州 抱朴子曰臨
沅縣有廖氏家世世壽考後子孫徙去轉多夭折他人
居其故宅復累世壽考乃試掘井左右得古人埋丹砂

數十斛去數尺此丹砂汁因泉漸入井是以飲其水而得壽

原異苑曰臨邛有火井漢室之隆則炎赫彌熾暨桓靈之際火勢漸微諸葛亮一瞰而更盛至景曜元年人以燭投即滅其年蜀并於魏

增郡國志曰喬井

在安慶府潛山縣隔皖水一里漢末喬元居此元二女國色孫策克皖城納大喬周瑜納小喬後人於其居起亭曰秀英傍有喬井相傳汲其水恒有臙脂色

原潯

陽記曰湓城灌嬰所築孫權經此城自標井地令人掘之得故井銘曰穎陰侯所開卜云三百年當塞塞後不滿百年當為應運者所開權忻悅以為已瑞井甚深大

江中風浪此井輒動

增魏略曰明帝九龍殿前爲玉

井綺欄蟾蜍含受神龍吐水

嶺表異錄曰綠珠井在

廣西白州雙角山下昔梁氏之女有容色石季倫爲採
訪使以真珠三斛買之者老傳云飲此水者誕女必多
美麗閭里以美色無益於時遂以巨石鎮之爾後產雖
端嚴而七竅四體多不完具 晉書云元帝大興初會
稽人於井中得一鐘上有古文十八字王者之作必有
靈符 地志曰晉旌陽令許遜嘗煉丹於艾城之黃龍
山有蛟魅作水漂丹室遜釘之石壁又海昏有巨蛇據
山爲穴吐氣爲雲遜法北斗七星每穴置一靖井鎮之

北征記曰桓温鑿九井于當塗陽山之南殷仲文從桓公九日遊九井賦詩 異苑曰謝晦宅南路上有古井元嘉二年汲者忽見三龍甚分明行道往觀莫不嗟異有人入井始知是塽隱起作龍形 齊春秋曰南齊時荊州城東天子井出錦于時士女取用與常錦不異經月乃歇 南史曰梁何遠爲武昌太守武昌俗皆汲江水盛夏遠患水温每以錢買人井寒水不取錢者則擲水還之 舊經云廣城水多鹹鹵蕭梁時達磨祖師指此地有黃金民爭挖之數丈遇石穴泉水迸湧而無金人以師誑語師曰是金非可以斤兩計者也今不知

所在或疑卽越臺井 異苑曰吳興長興廣惠寺左有
五井晉永嘉中邑人陳氏所穿陳武帝初生其一井泉
湧出家人汲以浴之後相傳謂之聖井 地志曰景陽
井在臺城內一名胭脂井陳後主與張麗華孔貴嬪投
入避隋兵後名辱井 北史曰房豹字仲幹遷樂陵太
守風教修理稱爲美政郡瀕海水味多鹹豹命鑿一井
遂得甘泉遐邇以爲政化所致豹罷歸後井味復鹹
舊唐書曰建中時韓滉爲潤州刺史涇帥之亂德宗出
幸滉恐有永嘉渡江之事置館第數十於石頭城以爲
備預城中穿井十丈近百所下與江平令丘洵督其役

先賢丘墓多令毀廢 鄴侯家傳云杭州舊取陂湖貯
水地暑多瘧痢乃深穿陰溝引錢塘湖水於郭內穿六
井也六井覆以大屋皆得寒泉有餘則洩之於官河民
遂無疾癘 海錄云白居易爲杭州刺史復浚李泌六
井民賴其汲 唐韓思復傳曰襄州有昭王井傳言服
者死人雖渴困不敢視韓朝宗移書謝神自是飲者無
恙人更號韓公井 酉陽雜俎曰集賢張希復言初授
新州將拜相井忽漲才深尺餘 玉泉子曰賈耽在滑
臺于城北命築八角井以鎮黃河潛使人于鑿所偵之
有一父老來觀問曰誰鑿此曰賈相公也父曰大好手

但近東近西近南近北也。耽聞之曰：是井太大也。國史補曰：善和坊舊御井，故老云非可飲之井。地卑水柔，宜用濯。開元中以駱駝馱入大內，以給六宮。唐統紀曰：穆宗有事於南郊，將謁太清宮，長安縣主簿鄭翦主役，見白衣老人云：此下有井，正值皇帝過路，罪在不測，翦懼使修之。其處已陷數尺，發之則古井也。帝至宮朝獻畢，命翰林學士韋處厚撰記，起居郎柳公權書於實井之上，名曰聖瑞感應紀，仍賜鄭緋衣。南部新書曰：白樂天之母因看花墜井，後有排擯者以賞花新井之作左遷。穆帝嘗題柱曰：此人一生爭得水啣。五代史

補曰高郁起於行陣爲楚馬殷謀臣貪而且僭嘗以所居之井不甚清澈思所以澄汰之乃用銀葉護井其四方內外皆然謂之拓裏霸州志曰護城井舊傳七十

有二宋將楊延朗所鑿每值隆冬甲士汲水灌城寇疑不敢入因名護城井廣州志曰曾井在潮州漢時縣

令曾芳因民苦瘴給藥來者接踵乃以大囊藥投井中令民汲水飲之宋皇祐間狄青征儂智高經此軍士疾癘禱於井飲泉盡愈旋師首以爲言仁宗降制封芳忠孝公且賜飛白書曾氏忠孝泉五字旌之侯鯖錄曰

宋時雍丘菜園人浚井得石刻銘云漢代功臣銘隱在

秦城井得到靖康春方顯千歲景甕下有甘泉能療千
年病 秦觀記曰龍井在浙江杭州府西湖上僧辯才
結亭於此率其徒環而呪之忽見大魚自泉躍出 益
州談資曰薛濤井在成都錦江南岸明代屬藩邸環以
欄盾端備製箋每歲三月三日汲井水造箋二十四幅
入貢一十六幅留藩邸至餽遺遠近縉紳皆他日倣造
蜀錦舊有十樣

井三

原金瓶

瑤甕

上見淮南王古舞曲
下見郭璞井賦

玉檻

球欄

上見

崑崙墟 王廡洛都賦曰玉井球
欄巖若積霜正殿雙翼是曰兩堂

綺欄

玉甃

上見魏明

帝九龍殿賦下

玉羊

金鳥

上詳魯哀公穿井敬叔異苑曰蘭陵華山

土井鳥巢其中金喙

谷鮒

埴鼃

易井谷射鮒言井上汲而下注如谷

水鮒小魚也下埴

無禽

有魚

易舊井无禽見前易災候曰井中

有魚似桐生

桃落

上見魏明帝猛虎行雙桐生空井枝葉自相加通泉浸其根元

雲澗其柯師曠問天老曰人家

投轄

潛鼎

漢書

每大飲取客車轄投井中

孔融告昌安縣教曰邑人

重也黃耳金鉉利貞之象國遭

投壘

得鐘

張勃吳錄曰初

漢黃門張讓等劫天子比至河上掌壘投井及平頓洛

陽城南甄宮有井五色氣出孫堅命浚井得漢傳國璽

會稽郡常出鐘應在人家井得之後會稽刺縣人陳清

負缶

抱甕

劉向說苑曰甕有五丈夫負缶入井灌井終日

地部

命蓋頁約卷三十一

井

三

一區鄧析過下車教爲機重後輕前終日澆百區五丈夫曰吾聞師言有機智之巧必有機智之心我不爲也

見井下莊子

八家

二舍

上詳水

一井

得銅

置器

龐儉父先逃走隨母流蕩後居鄉里鑿井得銅遂致富如蒼曰堂上我婦也問其故奴曰我婦姓艾

字阿宏足下有黑子腋下有痣母曰我翁也遂爲夫妻時人曰鑿井得銅買奴得翁高士傳管寧所居屯落

會汲者或男女錯雜或爭井寧乃多買器分置井傍汲以待之又使不知來者得之乃不鬪訟

柴覆

錢飛

上見管子葛仙翁投錢於井呪則飛出

白石

丹砂

王莽傳謝

長孟通浚井得白石丹砂見廖氏井

辨義

愈疾

易井以辨義疾見前蘇耽橘井愈

勿幕

不唾

易井收勿幕見前語云千里不唾井

不改

自開

邑不改

改井見前梁巴郡地自開成井

增紀聖

通仙

唐柳公權書聖瑞感應紀于井上見

前井二益州嚴貞觀通仙井通君平宅井亦見前

鑿六

鎮七

鄴侯杭州作許遜

置七靖井以鎮
妖穴並見前

紫沫

紅光

望江縣善提寺有司馬
龍井嘗有紫沫浮井上

識者云此龍涎也
置月一粒于井中宋政和間每清夜輒有紅光燭天

應潮

鎮石

金陵鍾山頭陀寺第一峰有應潮井其泉
與江潮盈縮相應故名下見前錄珠井

寶公

玉女

寶誌公井在上元縣大市街心宋曾極
詩塵容俗狀慙窺影欲汲寒泉洗此心

玉女井在高郵治西南東齊郊
道光與其女居井傍煉月故名

彭祖

崔婆

在徐

州城西隅

彭祖舊宅宋陳靖作彭祖
觀井圖銘下井在衡州府西崔婆宅

療橘

瀉莖

上見前蘇軾事
路以馬踐草瀉井中謂已不復再過不久復由飲遂

金陵記江南計吏止於傳舍及將就
為昔時筆刺喉而死後人以

洗藥

煉丹

長沙府有

傳孫思邈濯丹之所
此為戒曰千里井不瀉莖

繪藻

汰粉

上見前藥井
志云臨卽有粉井廣

下見秦少游龍井記
湯其水以法

胭脂

琉璃

景陽井一名胭脂井見前
琉璃井在潁州治東南

粉則益光

胭脂

琉璃

景陽井一名胭脂井見前
琉璃井在潁州治東南

井底有青石八片
光瑩如琉璃故名

飲喬

浴卓

上詳喬井
下詳文君井

鳩飛

龍見

鳩出井中漢高祖事
龍見

雲母

魚爺

井二

名並見

目智

悲廢

目于智井見前左傳
梁范雲有悲廢井詩

原老子

廟

神農社

老子廟前有九井見前瀨鄉記
農社土人歲祀
之見荊州記

神農說
此為神

重華窘

漢祖厄

並見前

伯益作

耿恭拜

並見前

羸瓶覆

短綆汲

瓶未出井而鈞
纜其瓶而覆之

儒汲短綆不

泥不食

甘先竭

上見易爻
孔子圍於陳蔡太

可以汲深井
公往弔之曰子幾乎

增演八卦

運五材

並見江賦

仰東宿

倚崇丘

井象東井
賦倚崇丘以鑿井
孫楚

蓍絲沈

梧花

落

李賀詩玉罌汲水桐花井蓍絲沈水如雲影
許彥周言嘉祐時河濱人網得一石刻詩曰井梧花落盡

銀沐一半在

景陽辱

泰岱香

景陽辱井 泰山有三廟 廟前各井皆香並見前

賈傅穿

東坡鑿

上見井二

東坡寓居所鑿井得一

石如龜

灌嬰銘

鮑照謎

上見井二 鮑照井謎曰

則五八五八四十四

廖氏譜

白家詩

廖氏譜見前丹

也四十為井字

原銅人掩泉

蟾蜍含水

南康記云

左遷詳井二

山其峰有井大銅人常守之五十年一涌水起數

金

墉祖築

鬱林司命

水經注云南鄭大城內有小城環

築鬱林郡有

豫章洪崖

華林續石

豫章記云厥

飛流懸注其深無底舊說洪崖先生井也

水經注云

增投轄留客

移書諭神

陳遵事

埋砂致

地部

井

井

井

壽

得錢展業

上見井二

于井中得錢業遂大

陸

織女繅絲

金人撞杵

秦州西溪鎮有繅絲井世傳漢董永寓居於此井即天女所以繅絲者

益陽縣有平岡

岡上有金井數百所相傳

淮南銀牀

河間金罐

見

井二河間王環

秦以鑿冰

蜀須取火

冰井火井並見前敘

軒轅百見

孔明一窺

並見

真珠三斛

綵箋十

樣

綵珠井薛

善和坊駱駝馱水

太極殿龍獅負

山

供見

廬陵之瑞空存二色之名

邛邑之光還起

一窺之談

事見前

井四

原

鑿而飲

見擊壤歌

不可陷

論語井有仁焉君子可逝也不可陷也

塞

堦

左傳並見前

掘不及泉

孟子譬如掘井九仞而不及泉猶為棄井

增

濁沟

爾雅井一有水一無水為濁沟

原未為損未為益

終日汲引未為損終日泉注未為益

北宮井溢

漢書元帝時謠曰井水溢滅竈煙灌玉堂流金門至成帝時北宮井泉溢王莽之徵

也

增井底蛙

後漢書隗囂使馬援往視公孫述于蜀還謂囂曰子陽井底蛙耳

惡

飲牛

東觀漢記淳于恭有井鄉里小兒爭飲牛恭惡之多置水器汲水滿之

棄之不義

後漢書華歆避董卓之亂遇一丈夫願得俱此人中道墜井眾欲棄之歆曰棄之不義遂相率出之而別

原杞園出雲

孫堅討董卓至杞園井出五色雲

陵雲擲石

朱起石與兄書云陵

雲臺上有奇井望之岫然以石子擲之久方有聲

增恬退無競

晉書阮瞻嘗羣行冒熱渴

甚有井眾競趨之瞻獨後巡在後俟餘者罪乃還其恬退無競如此

原玉溝

滌

靈井

夏涼

風十記云靈井謂冬溫夏涼石包也

銀井

玉井

蔡誕曰仙人有玉井

增

金繩五色

伽藍記河間王琛井置金繩以金五色續為繩

胭脂痕

景陽井舊傳欄有石

脉以帛拭之作胭脂痕故一名胭脂井

楚俗佻薄

舊唐書李皇為荆南節度使楚俗佻薄不

穿井飲臯始命合錢開井以便居人

出多出少

死和志漢耿恭故井久而有靈車馬大至即出

多小至即出少李嗣業鎮疎勒井渴禱之復出

一室七井

雲林異景志霍仙宮在龍門一室之

中開七井夏月坐其上不知有暑氣

非天小也

韓愈文室井觀天曰天小者非天小也

所見不過數星

同上自井中視星所見不過數星

原凍銀牀

杜甫詩露井凍

增 漱寒齒

柳宗元詩汲井漱寒齒清心拂塵服

旃檀作欄

西吳記吳與餘

不鄉刺史沈子真宅有井放出毫光八道遂捨宅為八聖寺此梁天監五年事及吳越王鏐嘗病目取此井水洗之即愈因賜旃檀香木為作井欄

斗水寬百憂

蘇軾詩雲安市無井斗水寬百憂

美女吹簫

白澤圖故井之精名觀狀如美女好吹簫以其名呼之即去一云井鬼名瓊

井五

原詩梁范雲悲廢井詩曰因舊未嘗改緣甘故先竭歷
稔久無禽一朝見開溼泌泉既斯涌短綆將焉設已獲
丁氏利方見管公縶 又詠井詩曰乃鑿長秋曲有浚
廣庭前即源以爲浪因方自成圓兼冬積溫水疊暑泌
寒泉不甘應未竭既涸斷來翻 梁湯僧濟溼井得金
釵詩曰昔日倡家女摘花露井邊摘花還自插照井還
自憐窺窺終不罷笑笑自成妍寶釵于此落從來非一
年翠羽成泥去金色尚如鮮此人今不在此物今空傳
後周宗懍麟趾殿詠新井詩曰當爲醴泉出先令浪

井開銅新九龍殿石勝凌雲臺 鄭翼過嚴君平古井
詩曰嚴平本高尚遠蹈古人風賣卜成都市流名大漢
中舊井改人世寒泉久不通年多既罷潔無禽乃遂空
如何屬秋氣唯見落雙桐 蘇味道詠井詩曰玲瓏映
玉檻澄澈瀉銀牀流聲集孔雀帶影出羴羊桐落秋蛙
散桃舒春錦芳帝力終何有機心庶此忘 **增**唐李嶠

詠井詩曰玉甃談仙客銅臺賞魏君蜀都宵映火杞國
旦生雲向日蓮花淨含風李樹薰已開千里國還聚五
星文 唐杜甫鹽井詩曰鹵中草木白青者官鹽煙官
作既有程煮鹽煙在川汲井歲擘擘出車日連連自公

斗三百轉致斛六千君子慎止足小人苦喧闐我何良
歎嗟物理固自然 唐孫欣奉試冷井詩曰仙闈井初

鑿靈液沁成泉色湛青苔裡寒凝紫綆邊銅瓶向影落
玉甃抱虛圓永願調神鼎堯時泰萬年 唐高適同朱

五題盧使君義井詩曰高義唯良牧深仁自下車寧知

鑿井處還是飲冰餘地即泉源久人當汲引初體清能
鑿物色洞每含虛上善滋來往中和澗里閭濟時應未
竭懷惠復何如 唐李頎長壽寺粲公院新甃井詩曰

僧房來往久露井每同觀白石抱新甃蒼苔依舊欄空
瓶宛轉下長綆轆轤盤境界因心淨泉源見底寒鐘鳴

時灌頂對此日閑安 宋王安石九鼎井詩曰浴崖涉

澗三十里高下犖确無人耕捫蘿挽葛到山趾仰見吹
瀉何崢嶸餘聲投林欲風雨未勢卷土猶溪阮飛蟲凌
競走獸慄霜雪夏落雷冬鳴野人往往見神物鱗甲漠
漠雲隨行我來立久無所得空數石上菖蒲生中官繫
龍沈玉冊小吏磔狗澆銀觥地形偶爾藏險怪天意未
必司陰晴山川在理有崩竭丘壑自古相虛盈誰能保
此千世後天柱不折泉常傾 宋朱熹井泉詩曰山高
澤氣通石竇飛靈液黔料谷中雲多應從此出 宋范
成大胭脂井詩曰昭光殿下起樓臺拌得山河付酒盃

春色已從金井去月華空上石頭來 宋樓鑰游龍井

詩曰路入風篁上翠微老龍蟠井四山圍水真綠淨不
可唾魚若空行無所依勝處雖多終莫及舊游誰在事
皆非祇今匏繫無由到徒羨聯鑣帶月歸 明高啓吳

王井詩曰曾開鑿影照宮娃玉手牽絲帶露華今日空
山僧自汲一瓶寒供佛前花 又冰壺井詩曰圓甃夏

生冰光涵數星冷窓有定中僧休牽轆轤綆 明鄭義

夫梧井詩曰百尺青梧桐下有寒泉井分明古鏡中照
見梧桐影朝汲水花清暮汲水花冷願得沆瀣盃遠寄

蓬山頂 明陶望齡白龍井詩曰招提萬山裏門與蒼

崖對嘗聞白龍井窈出清溪外沿洄未覺遠忽抵前山
背半壁仙屋深廻峰洞門礙奇巒互傾仄飛溜各形態
厓松老將化石筍看來大磐谷戴土耕寒苗接流漑蹊
幽生晚畏逕轉添新爰已謂人境窮驀與邨翁會息肩
支短策洗足坐鳴瀨但見元髮垂安能辨年輩因知雲
霧間神仙宛焉在

原賦晉孫楚賦曰倚崇丘以鑿井兮臨斥澤之淫洿若
行潦之滓濁兮靡清流以自娛乃喟爾而有感兮率隣
左之數夫脉厥土以興泉兮登甘醴於元虛體象圓川
下貫五仞幽泉騰涌津澤傍潤抱甕而汲不設機引絕

彼淫飾安此樸慎俗尚其華我篤其信既處湲而不緇
又磨之而不磷雖矢志而無妄實游心於大順渴人來
翔行旅是賴輟耕息肩不期而會沈黃李浮朱柰雜狸
首之斑如飛清塵以洮汰枕元石以盥漱喜遨怡以緩
帶 晉郭璞井賦曰益作井龍登天鑿后土洞黃泉潛
源洊臻滴滴涓涓幽溟圓渟澗洞深元爾乃冠玉檻甃
鱗錯鼓轆轤彈勁索飛輕裾之繽紛手爭驚而互搦長
纍蜃虵以曾縈兮瑤甕龍騰而灑激乃回澄以靜映狀
罔然而鏡灼挹之不損停之不溢莫察其源動而愈出
信潤下而德施壯邑移以不改獨星陳於丘墟兮越百

代而猶在守虛靜以元澹兮不東流而注海氣霧集以
杳冥兮聲雷駭而漭漭 晉江道井賦曰惟大朴之既
判兮聖應務以表靈演八卦以極用兮運五材以贊生
鑽丹暉於金石兮引黃泉乎杳冥巽下火而鼎立兮木
上水而井成於是大制既契物遵其徼阡達瓜分廬宅
星列修冢給之永用鑿階庭而制穴穿重壤之十仞兮
構玉甃之百節營之不日既汲既滌潛流焘焘寒泉冽
冽挹之不損瀦之不充納而不處其有興而不匱其豐
先王借象以辨義君子擬淡以自綏神龍來蟠以育鱗
列仙一漱而雲飛含七德以幾道兮盡衆善而莫伐

晉王彪之井賦曰考五材之物化寂寞感而資靜水帶地而壤潤月流天而宵炯燧鑽木而發火益穿坤而構井摹元羲之靈爻仰東宿之飛景步土脉測水泉方欄結轆轤懸下沈瓶而互汲飛織綆而幽牽於是杳黃壚之邃鮮潤下之潔澄瀾恬以清渟泓冷朗以寥戾協太陰以化液體上善以流惠

增

王起浪井賦曰爾其鈇

豁百尋之表洶湧重泉之下狀靈濤之潛洩匪冽風之是假淪漣不盈觸搏恒驚窺坎埴之底有江湖之情積而有潤於下混而不傷其清窺則澄澄乍玉甃而同色汲之浩浩激銀瓶而有聲鮒飛鱗而不定羊在缶而皆

傾洎夫列宿參差曉月韜映搖珠彩而增潔湧金波而
轉淨湯湯下激不施屏翳之功洵洵潛驚詎假陽春之
詠然後駭四海之目垂兆人之慶伊厚地之發祥實大
君之作聖彼青桐素綆之飾玉欄銀牀之盛皆人力之
所成固神造之不競宜乎光瑞典苞坎德不藏于冰不
蓄於墨惟波獨湧惟潔可食奉我皇之飲俾上善以爲
心戒我皇之窺必臨深以取則 呂令則義井賦曰地
接一都之會邑居狹俗之境川流雨驟車馬於焉往來
風舉雲搖帝王由茲行幸魏主罷指梅之策隰朋息尋
蟻之請豈非人有其願地不藏靈色湛湛以天碧歟陰

陰而晝冥高風始秋泛落桐之一葉太陽既沒映長天之數星因注水而暫益縱改邑而常寧素綆下懸映垂冰之晶晶銅瓶上汲滴淺溜之泠泠清泉既汲白日可見豈獨兼濟行李抑亦取給茲縣隨所求而皆足豈有殊於貴賤

原頌宋孔寧子井頌曰天高聽卑載厚流謙揮鋒既擊跪拜亦霑惟益有作德遠事兼明王用汲人具爾瞻

原贊晉卞敬宗溝井贊曰爰有邃井列彼下泉引流重壤合耀青天蘊甘澄潔湛爾終年圖象懷惻寄旨嘉荃

增晉許遜七靖井贊曰海昏之地府實當陽南昌之

州龍安之場上繚艾縣古城之岡地連蛇穴浸截川江
愛其地土防民之殃于今立靖萬古吉祥

原銘後漢李尤井銘曰井之所尚寒泉冽清法律取象
不槩自平多取不損少汲不盈執憲若斯何有邪傾

增唐柳宗元柳州井銘曰盈以其神其來不窮惠我後
之人噫疇肯似于政其來日新

增序唐柳宗元柳州井序曰始州之人各以甕甑負江

水莫克井飲

甕音豐甕五計切
小口爾雅康瓠謂之甕瓠壺也

甕瓶類大腹

崖岸峻

厚旱則水益遠人陟降大艱雨多塗則滑而顛恒為咨
嗟怨惑詭言終不能就元和十一年三月朔命為井城

北隍上未晦果寒食冽而多泉邑人以灌其土堅垧其
利悠久垧巨至切
堅上也其相者浮圖譚康諸軍事牙將米景
鑿者蔣晏凡用罽布六千三百役庸三十六大輒千七
百其深八尋有二尺

增記唐賈耽八角井記曰蒲城控白馬之津邇斥鹵之

溢里居者井無良馬相地宜視水脉因便道求美泉得
之於城濠之右遂成八角合爲一甃 宋秦觀杭州龍

井記曰龍井即舊龍泓距錢塘十里吳赤烏中方士葛
洪煉丹於此當風篁嶺之上實深山亂石中之泉也相
傳有龍居之故曰龍井 邵真義井記曰義以發衷形

外昭施物也井以下汲上導彰濟人也河間公鑿井於
城垣之次陽門通莊之右偏署曰義正哉導之深源經
以善利庇彼邃宇達於交衢鐵其瓶以永不羸石其甃
以給無泥飛輪周散泄竇前注淬而平之隨用不私主
發生以流潤當赫曦以伏炎在搖落而激清抵凝洹而
不閉環四序以一其惠俾憧憧者知飲濯所向焉昏者
得以陶盪瘵者由之蠲愈滌汰氛全沃洒蒸灼澹然不
改與地配久化囂闐爲閒敞隣梵宮以清淨修廊對開
連樓鬱峙指心而授應日而就彼豐福吉祿繁榮重慶
欲不萃於河間之門得乎

增文唐杜牧塞廢井文曰井廢輒不塞於古無所據今之州府廳事有井廢不塞居第在堂上有井廢亦不塞或匣而護之或橫木以土覆之至有歲久木朽陷人以致於死夫井雖列在五祀在都邑中物之小者也若盤庚五遷其都社稷宗廟尚毀其舊而獨井不可塞耶古者井田九頃八家環而居之一夫食一頃中一頃樹蔬鑿井而八家共汲之所以藉齊民而重洩地氣古者八家共一井今家有一井或大家至於四五井十倍於古地氣漏泄則所產脆薄人生於地內今之人不若古之人渾剛堅一寧不由地氣泄漏哉易曰改邑不改井此

入
安也非井不可塞也

此

突

函卷三十四

其

其

其

其

其

其

淵鑑類函卷三十五

地部十三

津

渡

附

渠

隈

附

津一

渡附

原說文曰津水渡也濮小津也

增爾雅曰析木謂之

津杜預曰箕斗之間有天漢故曰津

津二

渡附

增呂氏春秋曰禹東至搏木之地日出九津青羗之野
鳥谷青丘之鄉南至沸水漂漂九陽之山西至飲露吸
氣之民積金之山北至夏海之窮衡山之上積水積石
之山不有懈隤 水經注曰呂望老而無遇行年五十

賣食棘津七十則屠牛朝歌九十身為帝師

原續漢

志曰河東大陽縣有茅津北屈縣有採桑津按茅津秦

穆公伐晉常渡此

論語曰長沮桀溺耦而耕孔子過

之使子路問津焉長沮曰夫執輿者為誰子路曰孔丘
曰是知津矣

增

孔子家語曰楚昭王渡江有物來觸

王舟舟人取之以獻於王羣臣莫有識者王使聘魯問
孔子曰萍實也剖而食之可以霸昭王復令使者問何
以知之孔子曰丘昔之鄭過陳聞童謠云楚王渡江得
萍實大如斗赤如日剖而食之甜如蜜是以知之今名
香水渡在袁州府萍鄉縣

吳越春秋曰子胥至昭關

關吏欲執之子胥詐曰上所以索我者美珠也今珠已
亡矣將往取之關吏不敢執追者在後幾及至江岸得
漁父乘舟渡之乃免 水經注曰曹州離狐縣有延津
澹臺子羽投辟斷蛟處

原列女傳曰趙簡子南擊楚

津吏醉卧不能渡簡子召欲殺之津吏女子持楫而前
曰妾父聞君東渡不測之水恐風波之起故禱九江三
淮之神不勝巫祝杯酌餘瀝醉至於此妾願以鄙軀易
父之死簡子將渡少一人乃備員持楫遂與渡中流發
河激之歌簡子悅以爲夫人

增吳越春秋曰勾踐入

吳吳王赦之歸國范蠡執御至三津之上仰天長歎淚

下沾襟曰嗟乎孤之屯厄誰念復生渡此津也 潛確

類書曰罌浮渡在邵陽黃河之側昔韓信設疑兵於此
誑魏王豹以木罌渡者 水經注曰漢武微行栢谷遇

辱竇門又感其妻深識之饋既返玉階厚賞賚焉賜以
河津令其鬻渡今竇津者是也 又曰雲中定襄之間

有津曰君子津漢桓帝十三年西幸榆中東行代地洛
陽大賈齋金貨隨帝後行夜迷失道往投津長賈人死
津長埋之其子尋求父喪發塚舉尸資費一無所損其
子悉以金與之津長不受事聞於帝曰君子也即名其
津爲君子津 又曰白馬縣有白馬津因山上常有白

馬羣行悲鳴則河決馳走則山崩 潛確類書曰危渡
在真定府深州漢光武南奔至滹沱冰合軍渡未畢冰
忽解因名 郡國志曰陝州平陸縣小平津張讓劫獻
帝處 晉書曰雷煥卒子華為州從事持劔行經延平
津忽於腰間躍出隋水使人沒水取之不見劔但見兩
龍各長數丈蟠縈有文章沒者懼而返 潛確類書曰
五馬渡在江寧縣幕府山前晉元帝與諸王渡江處童
謠云五馬浮渡江一馬化爲龍 又曰麾扇渡在江南
江寧府治南一名毛公渡晉陳敏據建業軍臨大航岸
顧榮以白羽扇麾之其軍遂潰因名今爲瓦屑壩 又

云桃葉渡在上元縣秦淮河口王獻之愛妾名桃葉嘗
渡此獻之作歌送之曰桃葉復桃葉渡江不用楫但渡
無所苦我自迎接汝 酉陽雜俎曰晉太始中劉伯玉
妻段氏性妬忌伯玉嘗誦洛神賦語其妻曰娶婦得如
此吾無憾焉妻曰君何與水神善而欲輕我吾死何愁
不爲水神其夜乃自沈而死死後七日託夢語伯玉曰
吾今得爲神也伯玉遂終身不復渡水有婦人渡此津
者皆壞衣枉妝然後敢濟不爾風波暴發醜婦雖妝飾
而渡其神亦不妬也故齊人語曰欲求好婦立在津口
婦立水傍好醜自彰 十六國春秋曰慕容德自鄴率

衆南徙滑臺既無舟楫而流澌冰合于夜中濟訖旦而
冰泮燕民神之因謂是處爲天橋津 揮麈後錄曰建
炎初六飛南渡百僚竄身楊子江津舟人乘時射利是
時葉宗諤逃難至江滸實不攜一錢忽覩婦人美而豔
語葉云妾有金釵二隻可付以濟公幸負我以趨葉從
之甫扣船舷失手婦人墜水而沒葉獨得遺生悵然葉
後以直龍圖閣帥建康其家景堂中設位云楊子江頭
婦人豈鬼神託此以全其命乎

津三

渡附

原因河

涉川

因河爲津
易利涉大川

亂流

畫水

崔豹古今
注津吏崔

地部

津

津

日

子高見白首在夫被髮提壺亂流而渡其妻止之不及遂溺而死妻乃援箜篌作公無渡河之曲歌終亦投河

而死吳猛羽木罌羽扇韓信擊魏陳船欲渡臨

罌渡軍虜魏王晉顧榮以白羽必笑善游

必笑文子曰負石試船韓詩曰申屠狄非其世

善游者必溺杜敬伯為僕射受詔作御樓船川游水禁

於陶河試船遇漂沒帝為流涕川游水禁

備沈溺也又禮記曰舟而不嫂溺女投

游水中害人之境則禁之會稽錄曰曹娥父投

手者權也嫂溺不援是豺狼也雷煥佩劍

江其屍不獲乃沿江號哭七日不絕聲乃自投江三日陳平刺

抱父屍俱出皆死家人收葬之雷煥佩劍

為立孝女碑即黃絹之碑也雷煥佩劍

船雷煥事見前溺海銜石沈湘

懷沙山海經精衛本赤帝之女游於東海溺而不返化

湘江洲
羅而死

問諸水濱 葬於魚腹

齊桓責楚曰昭王南征而不復寡人是問

屈原曰昭王不復君其問諸水濱楚辭屈原曰寧赴湘流葬於魚腹中

忘子產之誠既

聞狎而玩之

棄仲尼之言果見蹈而死者

子產曰水懦弱人狎

而玩之孔子曰水火吾見蹈而死者未見蹈仁而死也

津四

渡附 溺附

原飛

吳主曰北來諸軍乃飛渡也

鬻

操舟鬻渡利供百口列子

褰裳涉溱

脫輓濟洧

子產

漸裳濡軌

深厲淺揭

楊柳津

白

馬津

孟津

書惟十有三年戊午師渡孟津

不弔

禮死而不弔者三畏壓溺溺憑河也

無悔

暴虎憑河死而無悔

僨車

左傳鄭伯之車僨於濟遇大風飄之入濟也

覆

舟

水所以載舟亦所以覆舟

浮屍

沈骸

辯命論曰伍員浮屍於江流三閭沈骸於湘渚

地部

津

津

五

延壽惡夢

王延壽文考曾有惡夢惡之乃作敘夢賦以自勵後溺水而死

士龍顧

影

陸士龍嘗著綠綵上船於水中顧其影因大笑落水人救免溺

增 競渡

杜亞拜淮南節度使

方春南民為競渡戲亞欲輕駛乃髹船底使篙人衣油綵衣沒水不濡

夜濟合流

王沛兼御

史中丞李光顏討吳元濟奇沛風檠署行營兵馬使時詔書趣戰諸將觀望沛引兵五千夜濟合流拒賊衝

蒲津

李固言領河中節度使蒲津歲河水壞梁吏撤竿用舟邀巧行人固言至悉除之

津

筏

開張篋中寶自得津筏韓愈詩

通津

浮游靡定處偶往即通津同上

激綠古

津遠

杜牧詩

舟航所聚

崔融稅關市疏天下諸津舟航所聚旁通巴漢前指閩越七澤

十藪三江五湖控引河洛兼包淮海弘舸巨艦千舳萬艘交貿往還憧憧永日

大津無梁皆

給船人

量其大小難易以定其差唐六典水部

渡水並須近江白丁便

水者充

分爲五番別一替唐六典同上

津五 渡附

原詩魏文帝在孟津詩曰良辰啓初節高會構歡娛清
歌發妙曲樂正奏笙竽曜靈忽西邁炎燭繼望舒翼日
浮黃河長驅旋鄴都

增唐盧照隣九龍津集詩曰落

落樹陰紫澄澄水華碧復有翻飛禽徘徊疑曳舄 杜

審言春日江津遊望詩曰旅客搖邊思春江弄晚晴煙
銷垂柳弱霧捲落花輕飛棹乘空下回流向日平鳥啼
移幾處蝶舞亂相迎忽歎人皆濁隄防水至清谷王常
不讓深可戒中盈 駱賓王晚泊蒲類津詩曰二庭歸
望斷萬里客心愁山路猶南屬河源自北流晚風連朔

氣新月照邊秋竈火通軍辟烽煙上戍樓龍庭但苦戰
燕頷會封侯莫作蘭山下空令漢國羞 孟浩然與黃
侍御泛北津詩曰津無蛟龍患日夕常安流本欲避驄
馬何知同鷁舟豈依今日幸會是昔年遊莫奏琴中鶴
且隨波上鷗隄緣九里郭山面百城樓自顧躬耕者才
非管樂傳聞君薦草澤從此泛滄洲 杜甫過津口詩
曰南嶽自茲近湘流東逝深和風引桂楫春日漲雲岑
回道過津口而多楓樹林白魚困密網黃鳥喧嘉音物
微限通塞惻隱仁者心瓮餘不盡酒膝有無絃琴賸賢
兩寂寞眇眇獨開襟 宋之問入崖口五渡寄李適徐

彥伯詩曰抱琴登絕壑伐木泝清川路極意謂盡勢廻
趣轉綿人遠草木秀山深雲影鮮余負海嶠情自昔微
尚然彌曠十餘載今來宛仍前未窺仙源極獨進野人
船時攀乳竇憩屢薄天窻眠夜絃響松月朝楫弄苔泉
因冥象外理永謝區中緣碧潭可遺老丹砂堪學仙莫
使馳光暮空令歸鶴憐 李白早過漆林渡寄萬巨詩

曰西經大藍山南來漆林渡水色倒空青林煙橫積素
漏流昔吞翕沓浪競奔注潭落天上星龍開水中霧嶢
巖汪公柵突兀陳焦墓嶺峭紛上千川明屢廻顧因思
萬夫子解渴同瓊樹何日覩清光相歡詠佳句 杜甫

白沙渡詩曰畏途隨長江渡口下絕岸差池上舟楫窈
窕入雲漢天寒荒野外日暮中流半我馬向北嘶山猿
飲相喚水清石礚礚沙白灘漫漫迥然洗愁辛多病一
疎散高壁抵嶽峯洪濤越凌亂臨風獨回首攬轡復三
歎 又水會渡詩曰山行有常程中夜尚未安微月沒
已久崖傾路何難大江動我前洶若溟渤寬篙師暗理
楫譎笑輕波瀾霜濃木石滑風急手足寒入舟已千憂
陟巘仍萬盤廻眺積水外始知衆星乾遠遊令人瘦衰
疾慙加飡 王昌齡沙苑南渡頭詩曰秋霧連雲白歸
心浦澈懸津人空守纜邛館復臨川蓬隔蒼茫雨波通

演漾田孤舟未得濟入夢在何年 宋楊萬里楊家渡

詩曰春跡無痕可得尋不將詩眼看春心鶯邊楊柳溪

邊草一日青來一日深 真山民泊白沙渡詩曰日暮

片帆落渡頭生暝煙與鷗分渚泊邀月共舩眠燈影漁

舟外湍聲客枕邊離懷正無奈况復聽啼鵲 明吳浩

泊瓜洲渡詩曰淮煙漠漠夕陽收楚樹昏昏翳客舟風

度鐘聲來北固帆將燈影過楊州雲消碧海天無際波

撼金山地欲浮獨恨壯遊非昔日滿江風露夜如秋

周翼中秋泛舟鷺津詩曰八月十五夜何其鷺湖漾舟

人未歸水生金浪兼天湧雲渡青冥傍月飛鴻雁沙寒

微有影芰荷秋冷不成衣故人一去渺何許黃鶴舊磯
今是非 王恭舟次罇津詩曰木落川氣涼鴻飛水容
夕微燈射遠沙夜榜隣幽石月色棲處寒霜花坐來白
遙見九華峰蒼蒼但蘿薜 史謹桃葉渡詩曰重經古
渡立斜曛愁見桃花兩岸春欲向東風唱桃葉江邊怕
有別離人 沈貞桃花渡詩曰渡頭渾似曲江濱誰種
桃花隔世塵紅雨綠波三月暮暖風黃鳥數聲春舟橫
落日非無主樹隔層霞不見人幾欲前源訪仙跡迷茫
何處問通津 程敏政古箭渡詩曰古箭渡頭春水急
古箭鋪下春泥溼風吹一道雨微收黑壓四山雲未入

郵亭飮罷聞竹雞肩輿扶過蒼崖西行人道側亂相指
雨陣復來雲脚齊 李言恭曉渡詩曰煙樹曉棲鴉長
汀帶白沙中流聊擊節新水快浮槎雲與人爭渡春隨
客到家遙知飛綵日開滿石城花 釋梵琦西津詩曰
月滿潮來盛天空野望低樹侵吳甸北帆入楚江西俊
鵲秋方下慈烏曉更啼即看霜露及風景色淒淒

原銘後漢李尤孟津銘曰洋洋河水赴宗於海經自中
州龍圖所在黃函白神赤符以信昔有周武集會孟津
魚入王舟乃往克殷

增說文曰渠水所居也一曰渠勤也又深廣貌

渠二 隄附

增西征記曰洛陽城外四面有陽渠水周公所制也

原史記曰韓聞秦之好興事欲罷音疲之無令東伐乃使

水工鄭國間說秦令鑿涇水自中山西抵瓠口爲渠並北山東注渭三百里欲以溉田中作而覺欲殺鄭國鄭國曰始臣爲間然渠成亦秦之利也卒使就渠渠就而用注四萬餘頃收皆畝一鍾於是關中爲沃野秦以富强因名曰鄭國渠 漢書曰張掖郡有千金渠 地理書曰滎陽有浪蕩渠 **增**輿地廣記曰秦時李冰作石

犀五以厭水精穿石犀渠於南江命曰犀牛里

唐置犀浦縣屬

益州取此爲名

水經注曰漢中安陽縣水北有七女池池東

有明月池狀如偃月皆相通注謂之張良渠蓋良所開也

溝洫志曰宣帝地節中光祿大夫郭昌使行河北

曲三所水流之勢皆邪直貝丘縣恐水盛隄防不能禁

迺各更穿渠直東經東郡界中不令北曲渠通利百姓

安之成帝初清河都尉馮遂言地節時郭昌穿直渠後

三歲河水更從故第二曲間可六里復南合今其水勢

復邪直貝丘宜復穿渠東行又曰待詔賈讓言若多

穿漕渠於冀州地使民得以溉田分殺水怒恐議者疑

河大川難禁制滎陽漕渠足以下之其水門但用木與
土耳 王嘉傳曰哀帝爲董賢治大第開門鄉北關引

王渠灌園池注蘇林曰王渠官渠也猶今御溝 溝洫

志曰自鄭國渠起

始皇元年乙卯

至元鼎六年

庚午

百三十六歲

而兒寬爲左內史奏請穿鑿六輔渠以益漑鄭國傍高
邛之田 漢書曰召信臣遷南陽太守好爲民興利躬
勸耕農出入阡陌令視郡中水泉開通溝瀆起水門提
闕凡數十處以廣漑灌歲歲增加多至三萬頃爲民作
均水約束刻石立於田畔以防分爭 後漢書曰樊重
所起廬舍皆有深堂高閣陂渠灌注又池魚牧畜有求

必給 又曰漢司空王梁之爲河南也將引穀水以溉
京都渠成而水不流坐免後張純堰洛通漕洛中公私
懷贍是渠今引穀水蓋純之創也亦謂之九曲瀆 何
敞傳曰和帝時爲汝南太守修銅陽舊渠百姓賴其利
墾田增三萬餘頃吏人共刻石頌敞功德 安帝紀曰

元初三年修理大原舊溝渠灌溉官私田注酈元水經
注曰昔智伯遏晉水以灌晉陽後人踵其遺跡蓄以爲
洶分爲二派北瀆即智氏故渠也其瀆乘高東北注入
晉陽城以灌溉東南出城注於汾水今所修溝渠即謂
此 洛陽記曰千金竭舊堰穀水魏時更修此堰積石

爲塌而開溝渠五所謂之五龍渠 晉紀曰魏明帝青

龍元年司馬懿穿成國渠築臨晉陂溉田數千頃國以

充實焉 鄧艾傳曰時欲廣田蓄穀使艾行陳穎以東

至壽春艾爲田良水少不足以盡地利宜開河渠可以

大積軍糧又通軍運之道乃著濟河論以喻其指 水

經注曰劉靖碑云劉靖登梁山以觀源流相際以度形

勢嘉武安之通渠羨秦氏之殷富乃使帳下督丁鴻軍

士千人以嘉平二年立塌於水道高梁河造戾陵塌開

車箱渠 劉雲傳曰隋宇文愷於河陰鞏洛梁公堰廡

河爲通濟渠 裴延儁傳曰儁遷幽州刺史范陽郡有

舊督亢渠徑五十里漁陽燕郡有故戾陵諸埭廣袤三十里表求修復營造溉田百萬餘畝爲利十倍百姓賴之 盧賁傳曰賁爲懷州刺史開皇中決沁水東注名曰利人渠又派入溫縣名曰溫潤渠以溉烏鹵 會要曰開元九年李元紘擢京兆少尹詔令疏決三輔渠時王公權要之家治渠立磴以治水田元紘一切隳之百姓大獲其利 薛大鼎傳曰高宗時爲滄州刺史無棣渠久廢塞大鼎浚治屬之海商賈流行里民歌曰新溝道舟楫利屬滄海魚鹽至昔徒行今騁駟美哉薛公德滂被又疏長蘆漳衡三渠泄汙潦水不爲害 溫造傳

以起居舍人出爲朗州刺史開後鄉渠百里溉田二千頃民獲其利號曰右史渠 玉海曰至道元年上問侍臣汴水疏鑿之由張洎講求其事奏曰惠民金水五丈汴水等四渠派引脉分會於天邑舳艫相接贍足京師以無匱乏惟汴水橫亘中國首承大河漕引江湖利盡南海半天下之賦由此而進大禹疏鑿煬帝開畊終爲國家用豈天意乎 又曰至和二年襄州宜城令孫永治長渠熙寧六年守臣曾鞏著令上司農爲記曰秦白起攻楚去隰百里立塌壅水爲渠以灌隰今長渠是也 酈道元謂溉田三千餘頃蓋水出西山諸谷者其源廣

而流於東南者其勢下也 夢溪筆談曰蘇州至崑山
縣凡六十里皆淺水無陸途民頗病涉久欲作長堤但
無處求土嘉祐中人有獻計就水中以蘧蔭芻藁爲牆
栽兩行相去三尺去牆六丈又爲一牆亦如此漉水中
淤泥實蘧蔭中候乾則以水車畎去兩牆之間舊水牆
間六丈皆土留其半以爲隄脚掘其半爲渠取土以爲
隄每三四里則爲一橋以通南北之水不日隄成至今
爲利 又曰熙寧中濰陽界中發汴堤淤田汴水暴至
堤防頗壞陷將毀人力不可制都水丞侯叔獻時蒞其
役相視其上數十里有一古城急發汴堤注水入古城

中下流遂涸急使人治隄陷次日古城中水盈汴流復行而隄陷已完矣徐塞古城所決內外之水平而不流瞬息可塞衆皆伏其機敏聞見前錄曰元豐七年洛中大雨伊洛漲壞天津橋波浪與上陽宮齊伊洛南北合而爲一深丈餘第宅廬舍皆壞唯伊水東渠有積薪塞水口故水不入府第韓康公乃築水南新城新堤明年夏洛水復漲至新城堤下不能入洛人德之夢溪筆談曰錢塘江錢氏時爲石堤堤外又植大木十餘行謂之滉柱寶元康定間人有獻議取滉柱可得良材數十萬旣而舊木出水皆朽敗不可用而滉柱一空石堤

爲洪濤所激歲歲摧決 又曰杜偉長爲轉運使人有
獻說自浙江稅塲以東移退數里爲月堤以避怒水衆
水工皆以爲便獨一老水工以爲不然密諭其黨曰移
堤則歲無水患若曹何所衣食衆人乃從而和之偉長
不悟費以鉅萬然猶不若澆柱之利也

渠三

隄附

原 大防

小決

大爲之防人猶川不如

子產曰防小決使導

引河

通運

史記西門豹爲鄴令鑿十二渠引河水灌田當時人苦
役豹曰百歲後父老子孫思我至今得水利民富足漢
長吏以十三渠橋絕馳道相近欲合二渠爲一橋父老
不肯曰賢君之法式不可改也 魏賈逵字道梁爲豫

州通運渠二百
里所謂賈侯渠

爲井

廣田

嚴熊言臨晉民願穿洛
以既重泉以東萬餘頃

地部

渠

渠

渠

故惡地於是穿渠洛水至高額下岸善游往往爲井井
渠之生自此始穿渠得龍首骨故名龍首渠 倪寬奏

開六輔之渠水 股引 派連 股支別 夏禹濟 馬
以廣溉灌田也

援穿 禹曰子修濟映會距川濟深也距至也深之以通
至於川也 漢馬援所過郡縣爲穿渠灌漑以利

民 瀉鞏川 引涇水 後漢王梁字君嚴爲河南尹穿
伊穀水注洛陽城下東瀉鞏川

及渠成開決而水不流有司勅之 詳涇 非竊壤可堙
書趙中大夫白公引涇水爲渠

豈積灰能止 漲桃花之水 決瓠子之河 三月桃
花水至

漢武決瓠子河發卒數萬塞之自臨河令 苟月令
將軍以下皆負薪上裨功不成作瓠子歌

不行闕修利之備 則時雨將降致昏墊之憂

渠四 隄附

原 止水 禮曰夫禮之禁亂猶防之止水水所自來也故以
舊防爲無用而壞之者必有水敗以舊禮爲無

所用而去之者必有亂患

防水

善防水者使水淫之注淫讀為厥謂水淤泥土留著助為之厚也

置使

晉書都水使者漢之水衡之職東都省都水置河隄使者

障澤

臺駘宣汾洮障大澤

羨溢

漢書河決平原將塞之議者曰水勢各異不博議利害若隄不及冬成春來桃花水盛必羨溢

有填淤反壞之害也

修利

季春天子命有司曰時雨將降修利隄防

成

河堤使者王延世以

竹落長四丈九尺圍盛以小石兩船夾載下之三十六日河隄成也

增卑培薄

溝溢志曰緇完故堤增卑培薄

壞

漢書河決酸棗壞金隄

渠決河

隋煬帝恃四海之富鑿渠決河自伊洛屬之揚州疲生人之力溲大地之藏中國之難起故宗

大防外殺

謂下厚上薄也

增鑿

廟為墟逆元氣之理也陳子昂上言

西苑龍鱗

隋煬帝築西苑其內為海十里海北有龍鱗渠

執畚無忤

張志和縣令使浚渠執畚無忤色

捍錢塘江

六帖白居易

州刺史始築堤捍錢塘

水海田千頃

私錢募治

五代史安彥威徙鎮歸德是時河決

地部

州監貢白卷三十五

渠

五

滑州命彥威塞之彥

百種香色

金鑿密記翰林有龍

威出私錢募民治堤

口渠通內苑大雨之

後必飄諸花藥徑由渠而出有

百種香色名不可盡春月尤妙

宰相沙堤

唐制宰相

拜相日府縣載沙填路自私第

徹壅通堙

社亞拜淮

至則治漕渠引湖陂築防庸入之渠中以通大舟夾

隄高印田因得澆灌疏起道衢徹壅通堙人皆悅賴

廣溉道高士廉進益州長史秦時李冰導汶江水灌田

出以廣溉道

興成

李石奏咸陽令韓遼治興成當咸

人以富饒

輓勞則轄下牛盡可耕水利秦中矣

鑿贛石梗嶮以

通舟道

路應為虔州刺史鑿

時其鍾洩

水旱無年瑀相地宜築隄庸百

倡優水戲

黎幹遷京

苦樵薪乏幹度開漕渠與南山谷口尾入于苑以便運

載帝為御安福門觀之幹密具舸船作倡優水戲冀以

兆尹京師

婦帝久之
渠不就

巨渠決太古衆水爲長蛇

杜甫柴門詩

增石

爲防

柳宗元興州江運記
增石爲防膏我稻梁

清渠一邑傳

杜甫秦州

十石

壚渠

唐地理志河中府龍門東南二十三里有十石壚
渠二十三年縣令長孫恕鑿澗田良沃畝收十石

渠五

隄附

增詩

宋梅堯臣汴渠詩曰我實山野人不識經濟宜聞

歌汴渠勞謾綴汴渠詩汴水源本清隨分黃河枝濁流
方已盛清派不可推天王居大梁龍舉雲必隨設無通
舟航百貨當陸馳人肩牛騾驢定應無完皮苟欲東南
蘇要省聚斂爲兵衛詎能削乃須雄京師今來雖太平
盡罷未是時願循祖宗規勿益羣息之譬竭兩川賦豈

由此水施縱有三峽下率皆麓冗資慎莫尤汴渠非渠
取膏脂 石介汴渠詩曰隋帝荒宴遊厚地剝爲溝萬
舸東南行四海困橫流義旗舉晉陽錦帆入揚州揚州
竟不返京邑爲墟丘吁哉汴渠水至今病不瘳 孔武
仲堤下詩曰堤下人家喧笑語高揭青帘椎瓦鼓黃流
滾滾經簷甍一任征夫作船苦綠榆覆水平如杯前灣
旋放水頭來深如怒虎著船底玉石磊砢相喧歷黃河
雖斷隋渠急舟楫舒遲行旋澀獨上平隄望遠天衣裘
已畏西風入 孔平仲汴堤行詩曰長隄杳杳如絲直
隱以金椎密無迹當年何人種綠榆千里分陰送行客

波間交語船上下馬頭一別人南北日輪西入鳥不飛
從古舟車無斷時 晁補之五丈渠詩曰五丈渠河水
齧堤三里餘懸流下噴水渤涌訛言相驚有怪物灤東
漁子浮兩舠清晨徑流雙鬣搖驚人跳起橫觸島大罾
十尺長天矯殺之信宿不敢言並邨稍稍聞者喧伐鱗
剗肉擔揭去兩日一邨猫犬飮夜來水泛州西原青青
百頃白波翻里巫推變咎漁子豫且賊神實爲此此邦
一年不穀食賣魚取錢當常職聞道相家口津人無敢
憑大魚死小魚靈

原頌後漢蔡邕京兆樊惠渠頌曰洪範八政一曰食周

禮十職一曰農生民之本於是乎出豐植財用於是乎
在陽陵縣東厥地汙泥嘉穀不殖光和五年京兆尹樊
君勤恤民隱乃命立新渠曩之毒田化爲甘壤相與謳
談斐然成章謂之樊惠渠其歌曰我有長流莫或闕之
我有溝澮莫有達之田疇斥鹵莫修莫治饑饉困瘁莫
恤莫思

增銘李翱江州南湖堤銘長慶二年十二月江州刺史
李君濬之截南陂築堤三千五百尺以通四隣之路畜
水爲湖人得其贏李翱銘以紀之辭曰天地作物功或
不周賢人相之智與神侔漭漭南陂冬乾夏漉九江暴

漲潮潛逆流東南百民城市所繇水積既深大波其彪
亦有舟航覆溺之憂擔壅疊路車軻其輶童嬰涕隨老
婦號愁歷古迨茲孰爲甦籌濟之之來養民如身乃築
長堤拒江之瀕厚其錢傭以飽飢人南北東西百里鬪
臻莫不用力金槌響振虺謹相厲不督而勤堤既成止
岡聯突起堅若石城障爲瀦水蒲莞菱芡鴻鶻鱸鯉唯
其所取或食或祀長堤坦坦植之楊槐架豁飛圮以便
去來除險作利非賢不能歌示江人式悅汝懷

判唐南華修河堤不漑田判曰長河千里駉主一清
漢帝宣防猶負薪於瓠子王尊東郡尚堅立以安人所

以河公不仁時聞泛濫主司有事每見隄防蓋却略於石門亦摧殺其水怒傳以客土將全其邑居聚之淇竹實拯以昏墊常流不弛於正道泗野寧浮於齧桑諒巡植之爲功奚塞帷而始詰必人同鄭白食我京師或且漑而有餘何屯膏而不作均夫鄴令招不智於漳河異彼武安頓遺利於鄒邑良能沃野義在隨時請據河渠之書無違溝洫之志

增記唐柳宗元石渠記曰自渴西南行不能百步得石渠民橋其上有泉幽幽然其鳴乍大乍細渠之廣或咫尺或倍尺其長可十許步其流抵大石伏出其下踰石

而往有石泓昌蒲被之青鮮環周又折西行旁陷巖石
下北隋小潭潭幅員減百尺清深多儵魚又北曲行紆
餘睨若無窮然卒入於渴其側皆詭石怪木奇卉美箭
可列坐而庥焉風搖其顛韻動崖谷視之旣靜其聽始
遠予從州牧得之攬去翳朽決疏土石旣崇而焚旣醜
而盈惜其未始有傳焉者故累記其所屬遺之其人書
之其陽俾後好事者求之得以易元和七年正月八日
蠲渠至大石十月十九日踰石得石泓小潭渠之美於
是始窮也

溝洫一

增釋名曰田間之水曰溝溝者構也從橫相交構也

爾雅曰谿注谷曰溝 周禮曰匠人爲溝洫九夫爲井

井間廣四尺謂之溝方十里爲成成間廣八尺深八尺

謂之洫 爾雅曰溝注澮曰瀆 益稷謨曰決九川距

四海濬畎澮距川注九州名川通之至海正義以小注

大故從畎遂溝洫乃以入澮澮入於川川入於海是畎

內之水亦入海也 周禮曰地官遂人掌邦之野野謂甸稍

縣凡治野夫間有遂遂上有徑十夫有溝溝有畛百夫

一鄩之田千夫二鄩之田萬夫四縣之田遂溝洫澮二

尋深二仞徑畛涂道路皆所以通車徒於國都也萬夫

者方三十三里少半里九而方一同以南晦圖之則遂從溝橫洫從澮橫九澮而川同其外焉 又曰稻人掌

稼下地

以水澤之地種穀

以豬蓄水以防止水以溝蕩水以遂

均水以列舍水

非一道以去水也

以澮寫水以涉揚其芟作田

注偃豬者蓄流水之陂也防豬旁隄也遂田首受水小溝也列田之畦疇也澮田尾去水大溝 又曰冬官匠

人爲澮洫

主通利田間之水道

耜廣五寸二耜爲耦一耦之伐廣

尺深尺謂之剛田首倍之廣二尺深二尺謂之遂

夫間小溝

九夫爲井井間廣四尺深四尺謂之溝方十里爲成成間廣八尺深八尺謂之洫方百里爲同同間廣二尋深

二仞謂之澮

此畿內采地之制采地制井田

專達於川各載其名

識水所從

出凡天下之地執兩山之間必有川焉大川之上必有

涂焉凡溝必因水執防必因地執善溝者水漱之善防

者水淫之凡溝防必一日先深之以爲式

程人功也

里爲式

然後可以傳衆力疏六鄉六遂與公邑皆爲溝洫法三

等采地乃爲井田按遂人則百里之內八十一澮此井

田則一同惟一澮彼遂在夫間故以南畝遂則縱矣此

井田云田首倍之爲遂以南畝圖之遂即橫也

遂人溝洫之制

與匠人異

遂人言五溝之制而始於遂匠人言五溝

之制而始於剛地形有逆順水執有遲速故遂人之溝

澮疏匠人之溝澮密至于下地又有稻八之法遂人成周之制匠人兼異代之制

又曰夏官

司險設國之五溝注遂溝洫澮川也 又曰掌固修溝
池渠之固 晏子曰尋常之溝洫巨魚無所還其體而
鯢鱖爲之制 孟子曰思天下之民匹夫匹婦有不被
堯舜之澤若已推而內之溝中 水經注曰酒泉延壽
縣南有山石水出處莒地爲溝 又曰高唐縣有甘棗
溝水側多棗故俗取名溝焉 崔豹古今注曰羊溝者
言羊喜抵觸垣牆故爲溝以隔之 一曰植高楊於其
上故謂之楊溝

溝洫二

溝潛確類書曰狼乳溝在陝西西安府邠州即后稷棄

而狼乳處

博物志曰徐偃王治其國仁義著聞欲周

行上國乃通溝陳蔡之間得朱弓朱矢

傳曰鄭子駟

爲田洫正封疆而侵四族田子產作封洫

傳曰梁伯

好土功乃溝公宮

又曰魯將與齊戰師不踰溝樊遲

曰請三刻而踰之衆從之

又哀元年吳城邳溝通江

淮杜預曰於邳江築城穿溝東北通射陽湖西北至渦

口入淮通糧道也今廣陵邳江是

國語曰吳王夫差

既殺申胥不稔於歲乃起師北征開爲深溝通於商魯

之間北屬之沂西屬之濟以會晉定公於黃池

潛確

類書曰斬蛇溝在江南徐州豐縣即漢高帝斬白蛇處

又曰楚迷溝在滁州全椒縣西羽戰北迷路田父給之曰左左乃大澤即此溝距陰陵五里 史記曰漢王四年項羽與漢王約中分天下割鴻溝而西者爲漢鴻溝而東者爲楚項羽歸漢王父母妻子軍皆呼萬歲

漢舊儀曰祭四溝用牲 阮勝之記曰吳王濞開茱萸

溝通運至海陵倉北有茱萸邨以邨立名 楊子圖經

曰六合縣東三十里從岱石湖入四里至溝中心與陵分界案後漢書張綱爲廣陵太守濟惠於百姓勤課農桑於東陵邨東開北溝引湖水灌田以此號爲張綱溝 殷氏世傳曰殷袞爲滎陽令先多淫雨百姓饑饉君

乃穿渠入河四十餘里疏導原隰用致豐年民賴其利
號曰殷溝而頌之 伏滔北征記曰姑孰西北有甘寧

墓孫皓時占者云墓有王氣皓鑿其後十許里曰直瀆

溝洫三

增禹盡

樊踰

論語禹盡力乎溝洫
齊戰樊遲請三刻而踰

左傳魯與
詳見前

蕩

水

達川

周禮以溝蕩水
會專達於川各載其名

又曰遂溝洫
詳見前

修利

開

通

月令季春之月命司空曰時雨將降下水上騰循行
國邑周視原野修利隄防道達溝瀆開通道路毋有

障塞

障

甘棗

高唐縣有甘棗溝
植高楊於上也詳俱見前

楊溝

茱萸

琵琶

茱萸溝在揚州府江都縣東北東過茱萸埭入海
琵琶溝在河南開封府城南隋煬帝欲幸

江都

始鑿此溝即茱萸溝也
舊圖經云形似琵琶故名

洗馬

顯鐘

洗馬溝在北直順天

府西南相傳光武北巡洗馬於此
嶺鐘溝在興安州
恭陽縣昔溝中流水湧出二鐘一流入均州一流入興

安州今天昭
寺鐘是也
鴻溝
滌渠
戰國策蘇秦說魏襄王曰
大王之地南有鴻溝今在

祥符縣即楚漢分界處
翟溝一名滌渠在封丘縣
南西接黃河支流引濟東入環帶縈紆澄澈如鑿

堯開
周賜
堯溝在兗州府曹州昔帝堯所開溝也
堯左傳周武王賜太公履止至無堯類書云

堯溝在山東濟南府海豐
縣西北溝東與高津河合
鄜亭
杜家
鄜亭溝在保

定府清苑縣即拒馬水也
杜家溝在四川成都府資
縣池水一泓清冷澄澈下即龍泉祠天將雨則雲生竅

穴霧瀾
斗酒別
一葉題
古詩曰今日斗酒別明日

東西流
唐詩紀事顧况遊御溝上拾一葉有詩曰一葉題
亦題一絕置上流明日再遊又拾一葉有詩曰一葉題

詩出禁城誰人唱和獨舍情自嗟
不及波中葉蕩漾乘春取次行

溝洫四

原盡力

禹盡力乎溝洫注溝洫亦渠也

掌禁

雍氏掌溝瀆澮池之禁凡害於國稼者春令為

阱獲溝瀆之利於民者秋令塞阱獲注害於國稼者謂水澇禽獸也

地防

考工記曰凡溝洫逆地防

謂之不行注防猶脉謂水澇禽獸也

湍齧

稍溝三十里而廣倍注謂不墾地之溝也鄭司農云

稍讀為桑螵蛸之蛸謂水湍齧

水庸

禮曰祭防以水庸事也注云水

甯溝也故三十里而廣倍稍音消

大封

周禮大封之禮令眾也注謂正封疆溝塗也

導達

月令三月五

日天子命有司導達溝洫

增

勿與戰

武經深溝高壘勿與為戰

錢埒

金溝武

子買地作埒編錢

愚溝

柳文合流屈曲而為愚溝

一心穿地

唐舊

布地當時號全溝

頗知溝洫之利所在必發眾穿鑿雖

時有不利而成功亦多先是太史令傅孝忠善占星緯

紅葉題詩

于祐得紅葉題詩之句于御溝

通舟楫

薛大鼎民歌曰新溝通舟楫利

月明溝水曉

韓愈

溝濁萍

看大姜師度一心穿地

青青

題張十八居詩君居泥溝上溝濁萍青青

木刀溝

唐地理志定州新樂縣有木刀溝有

民木刀居溝旁因名之

溝洫五

增詩宋晁補之魚溝懷家詩曰生涯身事任東西藥笥

書囊偶自賁柳嫩桑柔鴉欲乳雪消冰動麥初齊沙頭

晚日檣竿直淮上春風鴈鶩低歸去未應芳物老桃花

如錦遍松溪 劉克莊豫章溝詩曰溝水泠泠草樹香

獨穿支徑入垂楊薺花滿地無人見唯有山蜂度短牆

又詩曰野店蕭蕭掩竹門岸沙猶記履綦痕東風枉

是催花急綠盡平蕪却斷魂 明張羽邗溝詩曰衰楊

夾高防北風暮颺颺道逢長老問答言是邗溝相傳開
鑿初民勞天爲愁至今濁河底時見白髑髏陸通梁宋
郊水漕荆吳舟渠成萬世利慮始難爲謀至今南北交
此土爲名州飛閣跨通波張幄如雲浮憶昨少年日寶
馬珊瑚鈎經過劇辛輩結託金張儔醉月瓊花觀徵歌
明月樓羅綺朝還暮笙竽春復秋繁華逐逝水一往不
可留向來歌舞地茫然狐兔丘家老無兒孫杖屨驅羊
牛少小心尚爾不知今白頭欲從亂離訴恐予增離憂
長揖分袂去零淚如絲流 程敏政夾溝道中詩曰獵
獵風帆水滿塘明明春岸柳成行連邨犬不驚薪女傍

渚鷗全識權郎官
牖聚舟多漕運野
田空屋半逃亡推
篷不見青山色
始覺風光是異鄉
韓上桂御溝水詩
曰溝道波浮映遠
楊繁絲亂絮結中
腸潑洄不比東歸
水哽咽難沾五夜
觴觴中酒滿淚亦
滿枝上絲颺情復
颺薜蘿紫結徒懸
月菡萏朱華祇怯
霜沈思此事憐孤
寢溝水溝聲常入
枕黃姑幾度惜填
河織女七襄害成
錦波去波回亦有
時千金賦盡無還
期但看古來溝水
地誰不吞聲恨落
絲

增判唐鄭昭稍溝判曰先王之制廬井有伍爰自澮畝
達以溝洫拯下人之墊溺變彼汾之沮洳故河渠式修

煥馬遷之典衡漳旣導美夏禹之績今甲之所施用酌
前訓不資穿鑿坐看通引顧源流之所觸望平疇之有
藝况承茲水激罔殫衆庸同史起之利人類王尊之濟
物遂使苞蕭發詠無浸彼之虞汾澮興言多流惡之美
旣稱裨益聞此損費自可旌其殊効勸彼異能豈宜按
以不申加之底戾但刑期不僭令著明文役且不滿千
夫法難從於五罪旣不合上請即宜原宥 又湯履冰
判曰甲義恤菑畲志殷溝洫懼襄陵之荐及稍孽攸通
稽濬川之前聞源流遂遠當以崇朝其雨高岸爲谷無
勞役之事濟稼穡之艱里則斯遙功則其倍涇泥是沃

俄分數斗之謠韓工已成良開萬代之利歲自便稔邦
由是臧異東西之見分寧嗟別思殊劉項之有割是悅
昌期激而不淫足以嘉尚決而非役奚用申爲粉署將
繩恐涉察泉之義白圭思復宜從因水之詞

堰埭一

增韻曰壅水曰堰

堰埭二

增理道要訣曰秦以李冰爲蜀郡太守造百丈堰灌田
數千頃蜀以富饒魏國圖經曰愜山古堰也今謂之
愜山即漢成帝時河決金堤蓋於此運土以塞河頗愜

當時人心故謂之爲愜山今在魏西縣 晉後略曰張
方圍京邑決千金堰水溝渠枯涸井多無泉 吳錄曰
句容縣大皇時使陳勲鑿開水道立十二埭以通吳會
諸郡 水經注曰沙水東南流注於潁謂之交口水次
有大堰即古百尺堰也魏書司馬宣王討王凌大軍至
百尺埭今俗呼爲山陽堰非也蓋新水首受潁於百尺
溝 陸抗傳曰初江陵平行道路通利抗敕江陵督張
咸作大堰遏水漸積平中以絕寇叛羊祜欲因所遏水
爲船運糧揚聲將破堰以通步軍抗聞使咸亟破之祜
至當陽聞堰敗乃改船以車運大費損功力 孔愉傳

爲會稽內史句章縣有漢時舊陂毀廢數百年愉自循
行修復故堰溉田二百餘頃皆成良業 宋書曰劉秀
之爲襄陽令襄陽有六門堰良田數千頃堰久決壞世
祖遣秀之修復雍部大豐 通鑑曰齊建元二年魏劉
昶寇壽陽豫州刺史垣崇祖欲治外城堰淝水以自固
皆曰自有淝水未嘗堰也恐勞而無益崇祖曰守郭築
堰是吾不戰之策也乃於城西北堰淝水堰北築小城
周爲深塹使數千人守之魏人蟻附攻小城崇祖決堰
下水魏攻城之衆漂墜塹中魏師退走 唐書曰張守
珪爲都督瓜州地多沙磧不宜稼穡每年少雨以冰雪

溉田至是渠堰盡爲賊所毀旣地少林木難爲修葺守
珪設祭祈禱經宿而山水暴至大漂林木塞澗而流直
至城下守珪使取充堰於是水道復舊 食貨志曰太
和初歲旱河涸掇沙而進米多耗秦漢時故漕輿成堰
東達永豐倉咸陽縣令韓遼請疏之自咸陽抵潼關三
百里可以罷車輓之勞宰相李固言以爲非時文宗曰
苟利於人陰陽拘忌非所顧也議遂決堰成罷輓車之
牛以供農耕關中賴其利 會要曰開元二年河南尹
李傑奏汴州東有梁公堰年久堰破江淮漕梗傑奏發
汴鄭丁夫濬之省功速就公私利之刻石水濱紀其績

地理志曰海陵郡有古堰亘百有五十里久廢不治
秋濤冒民田監西溪鹽稅范仲淹言於發運副使張綸
請修復之議者謂將有蓄潦之憂綸曰濤之患歲十而
九潦之災歲十而一護九而亡一不亦可乎天聖四年
詔修捍海堰起於天聖三載之秋成於六載之春復逋
戶二千六百民爲綸立祠仲淹作頌 齊東野語曰王

邨芮祭酒初任仁和尉長河堰有龍王廟每祭則有小
蛇出往來者謹事之堰歲數壞人以爲龍所爲芮疲於
修築一日焚香設奠蛇果出爐上芮端笏數之曰有功
於民者乃得祀龍廟食於此而歲數壞堰勞民之力爲

罪多矣法當殺即舉笏擊之應手碎是夕宿於近地疾風甚雨大木盡拔土人大恐而芮處之自若後卒爲名臣茅亭客話曰開寶五年成都大雨岷江暴漲永康軍大堰將壞水入府江但見驚波怒濤聲如雷吼高十丈已來中流有一巨材隨駭浪而下近而觀之乃一大蛇耳舉頭橫身截於堰上至其夜聞堰上呼噪之聲列炬縱橫雖大風暴雨火影不滅平旦廣濟王李公祠內旗幟皆濡濕堰上唯見一面沙堤堰水入新津江口時嘉州漂溺至甚而府江不溢

堰埭三

增 二救

五門

述征記名伯埭到三救埭十五里百官志興武五門六門龍首埭滋堤凡

六堰皆有丞貞
觀六年皆廢

五節 萬金

地理志隴州并源有五節堰引隴州水通漕

又曰趙州栢鄉西有萬金堰開
元中令王佐所築以疏積潦

高梁

邱閣 地理志

汾東北十里有高梁堰武德中引高梁水溉田八百
又曰湖州安吉有邱閣池北有石鼓堰引天目山水溉

頃田百

富平

遠濟

後周書曰涇州刺史賀蘭祥修富平堰開渠引水東注於洛人獲其

利地理志蜀州新津西南二里有遠濟
堰分四筒穿渠溉眉州通義彭山之田

雲門

石

鼓

地理志貞觀元年開龍安東南二十三里
雲門堰決茶山水溉田石鼓堰見前邱閣注

昇源

成國

唐會要貞元十六年以納給使徐班
兼白渠漕渠及昇源成國等渠堰使

常豐

長樂

李承傳承為淮南西道黠陟使奏置常豐堰於楚
州以禦海湖溉屯田瘠鹵收常十倍他歲地理

志鄂州永興北有
長樂堰貞元中築

劉公

邵伯

地理志寶曆元年令
劉仁師更古白渠水

地部

詳盈貞白卷三十一

堰埭

三

道成名曰劉公渠堰曰

恆山運土

禦潮屯田

恆山古堰

也漢時運土塞河詳見前

李承

芮華擊龍

韓確

夢膾

上詳見前 西陽雜俎

顧頭堰在山陰縣有廬冉

嗜膾憑利求魚其表兄韓確同居方寢夢身為魚

呼吏訪市魚處與夢不殊

原

稅錢

晉孔嚴彭祖領尚書時王奔求東海鹽錢塘

利漕

晉中興書曰兖州既平謝元患水道險澀

千金

堰

晉李矩與汝南太守秦守率

九龍堰

語林曰陳協

步兵酒一壺後晉文王修九龍堰既薦協文

召伯埭

王用之掘地得古承水銅龍六枚堰遂成也

流菜堰

晉傅祗為滎陽守造流

謝安至新城築埭後

人思之名曰召伯埭

菜堰至今兖豫無水患

增壅渭爲堰

韋安爲水陸運使漢有運渠起闕門西抵長安引山東租賦訖隋常治之安爲

使乃占咸陽壅渭爲堰絕瀕漕而東注永豐倉下復與渭合

築隄闕以防不足洩

有餘

李吉甫爲淮南節度使奏漕渠庠下不能居水乃築堤闕以防不足洩有餘名曰平津堰

修

復

王起爲山南東道節度使濱漢塘堰隸屬吏弗完治起至部先修復與民約爲水令遂無凶年

魯

陽五堰

楊行密孫禱圍行密宣州凡五月不解臺濛作魯陽五堰抗輕舸饋糧故行密兵不困

立堰庸水不能暴

賈敦頤徙瀛州刺史州瀕滹沱澠二水歲溢溢壞室廬寔汝數百里敦頤

爲立堰庸水不能暴百姓利之

强弩射濤頭

吳越備史吳越王築捍海堰江濤夜衝擊沙岸

板築不能就因命强弩數百以射濤頭又親祝胥山祠仍爲詩一章亟淪置海門旣而濤頭遂趨西陵乃運巨

石盛以竹籠植巨材捍之城基始定其重濠壘塹通衢廣陌亦由是而成焉

都水使者

唐

沒則下之於所由而後修之

堰埭五

增詩宋王安石復至曹娥堰寄剡縣丁元珍詩曰溪水
渾渾來自北千山抱水清相射山深水急無艇子欲從
故人安可得故人昔日此水上樽酒扁舟慰行役津亭
把手坐一笑我喜滿懷君動色論新講舊惜未足落日
低徊已催客離心自醉不復飲秋果寒花空滿席今年
却坐相逢處悵難求別時迹可憐溪水自南流安得
溪船問消息 楊萬里小泊梅堰登明孝寺詩曰泊船
梅堰日微昇一逕深深喚我登隨分垂楊兼老檜備員
野寺更殘僧 又圩丁詞十解詩曰圩田元是一平湖

憑仗兒郎築作圩萬雉長城倩誰守兩隄楊柳當防夫
何代何人作此圩石頑土膩鐵難如年年二月桃花
水如律流歸石白湖一通建德下當塗千里江湖繚
一圩本是陽侯水精國天公敕賜上農夫南望雙峰
抹綠明一峰起立一峰橫不知圩裏田多少直到峰根
不見塍兩岸沿堤有水門萬波隨吐復隨吞君看紅
蓼花邊脚補去修來無水痕年年圩長集圩丁不要
招呼自要行萬杵一鳴千畚土大呼高唱總齊聲兒
郎辛苦莫呼天一歲修圩一歲眠六七月頭無滴雨試
登高處望圩田岸頭石板紫縱橫不是修圩是築城

傳語赫連莫蒸土霸圖未必賽春耕 河水還高港水
低千支萬派曲穿畦斗門一閉君休笑要看水從人指
揮 圩上人牽水上航從頭點檢萬農桑即非使者秋
行部乃是圩翁曉按莊 范成大長安閘詩曰斗門貯
淨練懸板淙驚雷黃沙古岸轉白屋飛簷開是間衰丈
許舳艫蔽川來千車擁孤隧萬馬盤一坏篙尾亂若雨
檣竿束如堆摧摧勢排軋洶洶聲喧逐偃仄復偃仄誰
肯少徘徊傳呼津吏至弊蓋凌高埃囁嚅議譏征叫怒
不可裁吾觀舟中子一一皆可哀大爲聲利驅小者飢
寒催古今共來往所得隨飛灰我乃畸旅人胡爲乎來

哉樓鑰它山堰詩曰它山堰頭足奇觀百方雷雷聲
不斷誰把并州快剪刀平剪波瀾成兩段四明山深水
源遠衆壑會谿長汗漫滔天狂潦不少留瀉入長江勢
奔竄賢哉唐家王長官欲圖永利輸長算想得慘澹經
營時下上山川應飽看西偏千嶺相屬聯惟有茲山擁
東岸遂於此地築橫埭截取衆流心自斷斟酌利害不
全取高下參差僅強半水大十分七入江徐挹三分供
溉灌支流瀾瀾穿郡城脉絡貫通平且緩旱時反此水
亦足坐使千年忘旱暵無窮廟祀報元功像設森嚴人
敢玩梅梁天矯有冥助大患於今尚能捍前輩所作多

神靈日月真成赤心貫後人小智或更易費盡工夫隨
破散河堙蓋因謀不集堤斷河傾流甚悍富民束手人
受殃仰望古人重興歎老木號風波湛碧畫屏俯仰丹
書煥更須積雨看驚湍濡足褰裳何足憚去家不遠時
一遊短艇垂綸流可亂八月倘有仙槎來便欲乘之泝

天漢

增判元承先無夫修堤堰判曰備預不虞古來善策隨
事興理今亦宜然於廓長河邈界中國來萬里之外歷
數州之間榮光載浮竹箭長下千里作曲呈瑞馬以出
圖三日成霖或迷牛而爲害永言諸郡夾河之壩堯水

屢逢媧灰未正俾太守沈馬空竭精誠將軍負薪猶勞
太息則必土功展事金堤爰起匪用齊人之力孰免爲
魚之歎恭聞漢事以蠲六月之徭大哉聖朝實平百姓
之價公家之事知無不爲苟利於人胡爲不可省司所
見未窒盈庭之辭州訴宜從可塞如川之口 又郭尚
溫判曰使人以時不奪農務前王令典歷代通規頃屬
月離畢宿天作霖雨緣河諸郡水害方殷王尊之祭徒
誠陽侯之怒無息是隳堤堰乃請修營動衆興功雖不
違於九月免徭酬直或大擾於百姓握蘭則兩停俱廢
恐未得於隨時剖竹則二事兼全亦頗同於太過况頻

遭墊溺人實阻饑若不冬成必貽春慮理須折衷事遣
合宜則丞相無壞陂之尤將軍免負薪之苦 又劉閏
判曰邦寧本固書稱經理之方慮始樂成易著變通之
義且河分南北境控青徐壤雜下田土爲上賦荐逢堯
水乍闕殷儲感發於中思索其極順時令庀工徒版築
爰興隄防互設岠然特起同斷岸之孤標的爾殊形狀
屯田之錯峙期於永逸汜用有成望免外徭式酬平價
州將當撫循之寄顧瞻黔黎省司應出納之權愛存府
庫俱爲奉國咸是循公探源若混其淄澠究理頗別於
涇渭何則雖言營造本資其井田徒謂繕修未起於桑

梓力常有限徭或可蠲役靡踰時價無宜給是則上省
勞費人防阻饑無闕於農不憊於素縱使堤疎瓠子不
復興歌浪起桃花誰能爲害 又孟楚瓊判曰五材並
用水德靈長八卦裁成坎宮流潤銀河有飄查之浪金
堤苦懸米之憂漢書以溝洫興謠史記乃河渠發詠疏
導得理編氓以寧眷彼諸州是稱修葺堤堰縱橫瓠子
須切黎人阻饑匏瓜莫食遠由蘭署庶救梅林何高見
之不同而平價之無給夫則非人莫可人則非食罔存
數日暫勞猶宜不許累旬重役焉可闕如官供尚且云
無私備奚能取濟况國家無事王是唐堯河內有倉吏

非汲黯但使準格興役何必申省拘文公課自有常程
令式寧無舊例免徭請價義竊惑焉

淵鑑類函卷三十五

淵鑑類函卷三十六

地部十四

海河

海一

原釋名云海晦也主引穢濁其水黑而晦 博物志云

天地四方皆海水相通地在其中蓋無幾也七戎六蠻九夷八狄形類不同總而言之謂之四海言皆近於海也四海之外皆復有海云案東海之別有渤海故東海共稱渤海又通謂之滄海 又曰滄海之中有蓬萊方

丈瀛洲三神山金銀爲宮闕仙人所集 列子曰渤海

之東有大壑名曰歸墟

莊子所謂尾闕

其中有岱輿負嶠方壺

瀛洲蓬萊五山 十洲記曰東海之別又有溟海真海

蓬萊山周圍五千里山外有圓海繞其山海水色正黑色謂之溟海按莊子有北溟則四海皆稱溟也

山海經有岐海幼海少海歐關皆在岐海中案南海大海之別

有漲海謝承後漢書曰交趾七郡貢獻皆從漲海出入又外國雜傳云大秦西南漲海中可七八百里

到珊瑚洲洲底大盤石珊瑚生其上人以鐵網取之案西海大海之東小水名海

者則有蒲昌海蒲類海青海鹿渾海潭彌海陽池海漢書

曰蒲昌海一名鹽澤廣袤三百里其水潯居冬夏不減皆潛行地南下出積石又郭義恭廣志云蒲類海在西

域東北實固擊伊吾戰於蒲類海十三州記曰允吾縣西有旱禾荒海代謂之青海後魏書曰太祖西征次陸

渾海郭義恭廣志云羗中之西有潭彌海陽池海案北海大海之別有瀚海瀚

海之南小水名海者則有渤鞞海伊連海私渠海後漢書寶

代匈奴至渤海郡義恭志云匈奴中北有伊連
後漢梁諷說其單于單于喜即將人眾與諷俱還到

海私渠凡四海通謂之裨海裨海外復有大瀛海環之鄒

曰所謂中國者天下八十一分之一耳中國名曰赤縣

內自有九州禹之九州是也不得爲州數中國外如赤

縣神州者九乃所謂九州也有裨海環之如一區中者

乃爲一州如此者九都有大瀛海環其外此謂八極而

天地際焉海神曰海若海一云朝夕池潮有朝夕之池故名一云天池

亦云大壑巨壑出老子及風俗通海中山曰島海中洲曰嶼東

朔十洲記曰有祖洲瀛洲玄洲炎洲長洲元洲鳳麟洲
聚窟洲流洲生洲其生洲祖洲瀛洲在東海炎洲長洲
在南海鳳麟洲聚窟洲皆在西海
玄洲元洲在北海已上凡十洲也
尚書曰江漢朝宗

於海注云宗尊也論語曰道不行乘桴浮於海從我
者其由與老子曰江漢所以能爲百谷王者以其善

下故能爲百谷王 山海經曰無臯之山南望幼海

又曰發鳩之山有鳥名曰精衛是炎帝之女往遊於東海溺而不返是故精衛常取西山之木石以填東海

又曰大荒中有山名曰天臺海水所入焉 **增**公羊僖

三十一年三望者何望祭也祭泰山河海也河海潤千里注能通氣致雨潤澤及於千里 春秋感神符曰后

妃恣則澤爲海 春秋考異郵曰黃星騁海水躍宋均

曰黃星土精也土安靜躍則失常 易林曰海爲水宗

聰明且暝百流歸德無有畔逆 易林遯之否曰海老

水乾魚鼈蕭索高落無間獨有沙石 史記曰天不足

西北星辰西北移地不足東南以海爲池

原莊子曰

南海之帝爲儵北海之帝爲忽中央之帝爲渾沌儵與忽時相與遇於渾沌之地渾沌待之甚厚儵與忽謀報渾沌之德曰人皆有七竅以視聽食息此獨無有常試鑿一竅七日而渾沌死 又曰窮髮之北有溟海者天池也有魚名曰鯤化而爲鳥名曰鵬 又曰東海之鼈謂埳井之鼈曰夫海千里之遠不足以舉其大千仞之高不足以極其深禹之時十年九潦而水弗加溢湯之時八年七旱而涯不減損夫不爲頃久推移不以多少進退者此亦東海之大樂也 又曰海水三歲一周流

波相薄故地動 淮南子曰海不讓積水以成其大

增又曰貴星墜而渤海決貴客星也 文子曰積石成

山積水成海不積而能成者未之有也 說文曰海天

池以納百川者也 蜀都賦曰天以日月爲綱地以四

海爲紀 法苑曰大海爲八維之浸日月爲四方之燭

抱朴子曰大厦旣燔而運水於滄海此無及也 列

子曰渤海之東不知幾億萬里有大壑焉實爲無底之

谷其下無底名曰歸墟八紘九野之水天漢之流莫不

注之而無增無減焉 **原**元中記曰天下之强者東海

之惡燠焉水灌而不已惡燠者山名也在東海南方三

萬里海水灌之而即消

增莊子疏云沃焦在碧海之

東一石方圓四萬里厚四萬里海水注者無不焦盡故

名沃焦

山海經曰堯時十日並出堯使羿射九日落

爲沃焦

原十洲記曰扶桑在碧海之卯地一面萬里

太帝之宮太真東皇君所治處

增地志曰昌國縣海

中有砥柱屹立中流望之如人拱立水滙於此旋涌若

沸舟行必投以物殺其勢而後過風雨將作有聲如雷

彛堅志曰寧海縣東海中有尾閭與海門馬筋相直

自高山望之其水湍急陷爲大渦者十餘舟楫不可近

舊傳東海泄水處

幽明錄曰海中有金臺山高百丈

結構巧麗窮盡神工 大志經曰大意初入海中至白
銀城次至黃金城次至水精城次至琉璃城龍王各與
明月珠 又曰海有三德一曰深廣無邊二曰清淨不
受雜穢三曰藏積無量珍寶菩薩之德義同海也 海
志曰海有五德一澄淨不受屍二多出妙寶三大龍澍
雨沛如車輪受而不溢四風月不能竭五淵深不測
五分律曰海有八未曾有大海漸深潮不過限不宿死
屍百川來會無復異稱萬流悉歸而無增減出珍珠等
寶大身衆生皆住其中同一鹹味是爲八 養生雜書
曰東海神名阿明南海祝融西海巨乘北海禺疆 龍

魚河圖曰東海君姓馮名修夫人姓朱名隱娥南海君
姓祝名赤夫人姓翳名逸寥西海君姓勾太名丘夫人
姓靈名素簡北海君姓是名禹張里夫人姓結名連翹
李吉甫云河北得水便名爲河塞北得水便名爲海
海賦云海童邀路馬銜當蹊 杜陽編曰南昌國有

紫海水色如爛椹可以染衣其魚龍龜鼈砂石草木無
不紫色 錄異記曰海龍王宅在蘇州東入海五六日

程小島之前濶百餘里四面海水粘濁此水清無風而
浪高數丈舟船不敢輒近夜中遠望見此水上紅光如
日方百餘里上與天連船人相傳龍王宮在其下矣

筆談曰漢書云海旁有蜃氣爲樓臺登州海中時有雲氣如宮室臺觀人物車馬歷歷可見謂之海市

海二

原韓詩外傳曰成王時有越裳氏重三譯而朝曰吾受命國之黃髮曰久矣天之不迅風雨海之不波溢也三年於茲矣意者中國有聖人乎盍往朝之

增說苑曰

齊景公遊海上而樂之六月不歸告左右曰敢有先言歸者死顏蠲進曰君樂治海不樂治國彼若有治國者君安得樂此海乎遂歸中道聞國人謀將不納之伏琛齊地記曰秦始皇造觀日橋欲渡海或曰非人所建

海神爲之驅石豎柱始皇感其惠乃通敬於神求與相見神曰我形醜約莫圖我形當與帝會始皇乃從石橋入海四十里與神相見左右有巧者潛以足畫神形神怒曰帝負約可速去始皇轉馬前脚纔立後脚隨崩僅得登岸今成陽山東入海道水有豎石往往相望似橋石之狀又有柱石二乍有乍沒始皇標記也 史記曰

始皇夢與海神戰如人狀問占夢博士曰水神不可見以大魚蛟龍爲候乃令入海者齋捕魚具而自以連弩候大魚出射之自琅邪北至榮成山弗見至之罘見巨魚射殺一魚

原漢書曰漢使驃騎將軍霍去病北伐

單于至瀚海而還 謝承後漢書曰汝南陳茂嘗爲交
趾別駕刺史周敞涉海遇風船欲覆沒茂拔劍呵罵水
神風即止息 博物志曰舊說天河與海通近世有居
海渚者年年八月有浮槎來過甚大往返不失期此人
乃多齋糧乘槎去忽忽不覺晝夜奄至一處有城郭屋
舍望室中多見織婦見一丈夫牽牛渚次飲之此人問
此爲何處答曰問嚴君平此人還問君平君平曰某年
某月有客星犯牛斗即此人乎 周景式孝子傳曰管
寧避地遼東經海遇風船人危懼皆叩頭悔過寧思誓
念向曾如廁不冠即便稽首風亦尋靜

增晉書曰李

涓遼東人祖敏漢河內太守去還鄉遼東太守公孫度
欲強用之敏乘舟浮海莫知所終 異苑曰晉惠帝時

人有得一鳥毛長三丈以示張華華慘然歎曰所謂海
鳧毛也此毛出則天下土崩矣果如其言 益都耆舊

傳曰張霸永元中爲會稽太守入海捕賊遭疾風晦冥
波水湧起士卒驚白霸霸曰無得恐太守奉法追賊風
必不爲害須臾風靜波止 晉書曰鮑靚爲南海太守
嘗行部入海遇風飢甚取白石煮食之以濟 **原**王隱

晉書曰慕容皝上言曰臣躬征平郭遠假陛下之威將
士竭命精誠感靈海爲結冰凌行海中三百餘里臣自

立國及問諸故老初無海水冰凍之歲 神仙傳曰麻

姑謂王方平曰自接待以來見東海三爲桑田向到蓬萊水乃淺於往者略半也豈復爲陵陸乎方平曰東海行復揚塵耳 **增**世說曰謝安盤桓東山時與孫興公

諸人汎海戲風起浪湧孫王諸人色並遽便唱使還太傅神情方王吟嘯不言舟人以公貌閑意說猶去不止旣風轉急浪猛諸人皆喧動不坐公徐云如此將無歸酉陽雜俎曰諮議朱景元見鮑容說陳司徒在揚州時東市塔影忽倒老人言海影翻則如此 世說曰荀中郎羨在京口登北固望海云雖未覩三山便自使人

有凌雲意若秦漢之君必當褰裳濡足 齊書曰張融

作海賦文詞詭激以示鎮軍將軍徐凱之凱之曰此賦
實超木賦但恨不道鹽耳融即求筆注曰漉沙構白熬
波出素積雪中春飛霜暑路 談藪曰梁汝南周捨少

好學有才辯顧諧被使高麗以海路艱難問於捨捨曰
晝則揆日而行夜則考星而泊海大便是安流從風不
足爲遠 又曰裴粲爲膠州刺史屬時亢旱士民勸令

禱於海粲憚違衆心乃爲祈請舉杯而言曰五嶽視三
公四瀆視諸侯安有方伯而致禮海神也卒不肯拜

通典曰天寶十載正月以東海爲廣德王南海爲廣利

王西海爲廣潤王北海爲廣澤王分命卿監詣嶽瀆及
山取三月十七日一時備禮兼冊祭 談賓藪曰歸崇
敬充新羅冊立使至海中流濤波迅急舟船壞漏衆咸
驚駭舟人請以小舟載崇敬曰舟人凡數十百我何忍
獨濟哉少選風息 北夢瑣言曰交趾以北距南海有
水路多覆巨舟高駢往視之乃有橫石隱隱然在水中
因奏開鑿以通南海之利其表略云人操利楫石限橫
津纜登一去之舟便作九泉之計時有詔聽之乃召工
者竟削其石民至今賴之或云駢以術假雷電開之
金溪閒談曰福建道以海口黃碕岸橫石巉峭常爲舟

楫之患閩王王審知思欲制置憚於力役乾寧中因夢
金甲神自稱吳安王許助開鑿及覺命判官劉山甫躬
往致祭三奠纔畢海內靈怪俱見山甫因憑高觀之風
雷暴興見一物非魚非龍黃鬣赤身可長千百丈奮躍
攻擊凡三日風雷止霽已別開一港甚便行旅當時錄
奏賜號甘棠港亦號此地爲天威路 春明退朝錄曰
歐陽少師言爲河北都轉運使冬月按部至滄景間於
野亭夜半聞車旂兵馬之聲幾達旦不絕問宿彼處人
云此海神移徙五七年間一有之 續墨客揮犀曰李
仲游承議知同安縣日有人泛海舟交易外國經歲始

還云爲大風飄至一島嶼時月正明見十數人自海連
臂而出登嶼笑語語不可解體貌與人無異但裸形耳
舟人鳴鑼鼓以駭之復連臂大笑入海而去近嶼人云
此名海人室在嶼下 孫公談圃曰宋楊康國錢總使
高麗豐稷爲楊掌牋表言東海洋龍宮之寶藏所也氣
如厚霧雖無風亦有巨浪使人卧木匣中雖蕩而身不
搖食物盡吐唯飲少漿 聞見前錄曰康節先生見一
道人言嘗泛海遇舶風泊岸與數人下採薪有巨人數
十長丈餘相呼之聲如禽獸盡捉以去用竿竹魚貫之
食薦酒道人者偶在其竹末醉睡走登船得脫因解衣

出其所穿跡在脇下 癸辛雜志曰凡海舟必用大板
護其外不然則船身必爲海蛆所蝕 又曰南海諸國
有泥油淺番船相遇海中戰則用四人立於舵斗上以
泥油著小瓶中檳榔皮塞其口燃火於檳榔皮上自高
投之泥油著板令人即仆以水沃之愈熾所制者乾泥
與竈灰耳今官兵船不能近淺番者正畏此物也

海三

原委

輸朝宗

上見木元虛海賦下詳前

委水

積流

禮記曰三王之

祭川也皆先河而後海或源也或委也此之謂務本又曰洗之在陸其水在洗東祖天地之左海也鄭元注曰海水之所委也孫卿子曰不積跬步無以至千里不積小流無以成江海

叢桂

扶桑

地部

附錄貢物卷三十六

海

上見王粲遊海賦 東方朔十洲記曰扶桑在碧海中央扶桑樹長數千丈一千餘圍兩幹同根更相依倚是以名扶桑

地脉

天池

閩令內傳曰天有五億五萬五千五百五十里地亦如之各以四海為脉

通天

動地

滄嶼

碧津

沈懷遠南越志曰海安縣

詳前

南有

小水

南注

平海

極目

滄嶼

望溟波

十洲

記曰

於碧

津離

合水

精而

光賦

於炎

野

吾錯

於流

澤扶桑鎮

坎總

眾陰

是以

仙都

宅於

海島

金宮

玉闕

前詳

崔瑗

遠初

賦曰

蓬萊

蔚其

潛與

瀛壺

森

鯤壑

鵬溟

以駢

羅列

金臺

之

嶽

方玉

闕之

嵯峨

鯤壑

鵬溟

漢書

曰會

稽海

外有

東鯨

壑分

為二

十餘

國以

歲時

獻見

左思

齊都

賦曰

其東

則有

滄溟

鯨壑

洪浩

汗漫

莊子曰

鵬將

徙於

南溟

擊水

三

千里

窮髮

聶耳

詳上

謝莊

赤鸚

鵑賦

禎流

隴域

祥發

鵬溟

窮髮

聶耳

詳上

前山

海經

曰聶

耳國

在無

腸

無為

善下

古之

善

國東

兩手

聶其

耳懸

居赤

水中

無為

善下

古之

善

為君

者法

海以

象其

大注

負石

乘桴

漢書

曰緇

陽

下以

成其

廣

下詳

前

負石

乘桴

漢書

曰緇

陽

下以

成其

廣

下詳

前

負石

乘桴

漢書

曰緇

陽

蹈雍之河徐行負石入海不容于世義不苟取應劭風俗通曰姜肱字伯淮靈帝踐祚徵肱為太守肱告人曰吾以虛獲實蘊藉聲質盛明之際尚不委質今政在私門夫何為哉遂乘桴浮於海莫知其極時人以為非凡

凡

蟹樓

鮫室

漢書曰海傍有蟹氣為樓臺下見海賦

蓬嶼

桑田

李頤凌仙賦曰瞻蓬萊之秀嶼冀東叟之可尋將乍至而反陸忠巨浪之相臨下詳前

秦橋

漢柱

三齊記曰青城山秦始皇登此山築城造石橋入海三十里張勃吳錄曰象林海中有小洲生柔

金自北南行三十里有西屬國人自稱漢子孫有銅柱漢之疆場之表

水伯

波臣

海山

經曰朝陽之谷神曰天吳是為水伯其為獸也十八尾八首人面八足也海賦曰天吳乍見而鬐歸莊子曰

周顛視車轍有鮪魚焉曰我東海之波臣也君豈有斗升之水活我哉

蠡酌

禽填

以

酌海精

魯蹈

孟觀

魯仲連曰秦為帝連有蹈東

吞江

納漢

增紅

者難為水

鷺濤

鮐穴

白鷺之濤詳見濤

吞江

納漢

增紅

地部

月部

海

旗陰火

宋趙鼎謫朱崖自雷州浮海而南顛見洪濤聞紅旗靡靡相逐而下疑爲海寇或外國兵

甲呼問舟人舟人搖手令勿語恐怖之色可掬急入舟被髮持刀出篷背立割其舌出血滴水中戒使臣閉目坐船內凡經兩時頃聞舟人相呼曰更生乃言曰朝來所見蓋巨鱷也平生未嘗觀所謂紅旗者此耳海中取魚蠶置陰處有光陰火潛然豈謂是乎

原千里潤

百川同

公羊傳見前

黃金闕

紫石室

史記曰燕王使人至蓬萊方丈瀛洲此三神山在海中去人不遠有至者

望之如雲及到三山反在水下有仙人不死藥焉黃金白銀爲宮闕東方朔十洲記曰滄海島中有紫石宮室九老

不死草

返魂樹

東方朔十洲記曰祖州在東海中地方五百里上有

不死草生瓊田中草似菰苗長三尺許人已死者以草覆之皆活又曰聚窟洲在西海中有大樹與楓木相似樹方花香聞數百里其名爲返魂樹

增出雲雨

受霧露

迴地軸

浹大墟

隋揚師道望海詩洪波迴地軸宋吳淑海賦浹天墟而浮析木薄碣石而蕩之杲

乘桴浮

抱板泛

姜肱事素奇之妻

隋封德彝之少也僕射楊

居此座後德彝討遼東舟沒衆謂必死素曰封郎當得僕射未必死求之封因抱一板泛海中力盡欲放忽憶楊公言勉力持之胸前爲板所摩肉破至骨衆救得免後官果至僕射

原傾瀉百川

迴泐萬里

劉楨魯都賦曰巨海分焉傾瀉百川

左思

里

浮天之浪

浴日之波

增品物類生

流波

相薄

木元虛海賦其爲器也品物類生何有何無莊子曰海水三歲一周流波相薄即爲之地動

樹疑楓木

港號甘棠

上見十洲記下王審知事

齊景樂治

盧

敖窮觀

上見前 淮南子曰盧

入海尋仙

拔劍詈

水

秦始皇遣徐福及童男女三千人入海尋神仙不返唐開元中有人於海中見之 下見前二謝承後漢

書

遇風思愆

入海留語

上管寧事唐讓皇帝穆宗親兄不爲太后所愛故

地部

增監貢函卷三十六

海

穆宗越次而立讓皇不肯臣穆宗遂造船入海不知其
處臨入海時留語四句今刻在玉碑上云小山歷大山
大山全無氣羞見本
邦人將身投外裔

唐高駢

翻岸倒雲

積流䟽派

似高於地有海岸焉

蓋水氣也

故隋煬帝望海詩積流橫地紀疏派引天潢

似雲 唐太宗望海詩積流橫地紀疏派引天潢 馬

銜當蹊

精衛填石

見木元虛海賦海童馬銜

色如

爛椹

氣如圓窰

上見前一杜陽編

晉書東海氣如

竹格曰窰又海船渡海須當候氣見黃氣知有人
煙國土見白氣知有山峰巖壑見黑氣則水也

海四

原為紀

文選地以

成深

海受霧露故

大盈

大盈若

曰大滿而小溢

重潤

家語海重潤

處

左傳君處南海

涉

涉海則有方丈蓬壺

滄溟

渤海

滄波

白波

洪波

犇

波

增海濼

南史傅與海濼駐驛嵩址謂水邊土人所止者

海水羣飛

揚雄劇秦

美新

海乾

唐道士葉靜能有白衣老父泣拜曰被胡僧來咒水海水十淵七八靜能使朱衣人執黃

符往投之海水復

舊老父乃龍也

符往投之海水復

濱海有魚鹽利

唐程日華假滄州刺史朱滔王武俊

叛拾日華皆不納攻之日華乘城自固參軍李宇謀曰

定歸天子自為一

驚瀾 韓愈寄于頓書窺巨海之驚

失

為物最鉅

見後南海神廟碑

塵霾之雜不處

柳宗元東

大海其東無東其西無西其北無北其南無南且則浴

日而西之夜則酒列星滿太陰火珠寶之光以明

波伏不興

韓愈

其快也深也潔也光明也無疾若者

四海之水皆立

熱海地

地部

四海之水皆立

下垂四海之水皆立

熱海地

寒不凍

西域碎葉東

極雲海之微茫

李白惜餘春賦

大海盪汨

兮顛倒日月

柳宗元招海賈

頽風浩其四起

柳宗元佩韋賦

長風

扇海踴滄溟之波濤

李白鳴臯詩

浪打天門

李白橫江詞

海

之歸水洪流必容

陸贄論諫

汭河而下

韓文公河而下苟不止雖有遲疾必

至於海

斷港絕潢

道於揚墨老莊佛之學而欲之聖人之道猶航蠡港絕潢以望至於海也

海波不驚

文粹

沙門島

在登州府城西六十里海中凡海舟渡遼者必泊此以避

風宋時嘗流放罪人於此其巖磯牽牛大竹小竹四島皆與此島相連屬紫翠巉絕出沒波濤中真神仙所宅也上生白芝又多美石見蘇軾北海十一石記

海門島

在通州南四十里海中宋長編國中犯死

海運

張瑄朱清乘舟抄掠海

島有屯兵使者領護之

招懷爲防海義民元伯顏平宋時遣清等載宋庫藏諸物從海入京師撥金符千戶二人遂言海道可通造船

六十艘運糴四萬

海市

登州府四面皆海春夏時遙見水面有城郭肆市人馬往

六千餘石入京師

海溢

海溢一曰海嘯

爽若交易狀土人謂之海市

海五

原

詩宋謝靈運遊赤石進帆海詩曰首夏猶清和芳草

亦未歇水宿淹晨昏陰霞屢興沒周覽倦瀛壖况乃凌

窮髮川后時安流天吳靜不發揚帆采石華挂席拾海

月溟漲無端倪虛舟有超越仲連輕齊組子牟眷魏闕

矜名道不足適已物可忽請附任公言終然謝天伐

又東山望海詩曰開春獻初歲白日出悠悠蕩志將愉

樂瞰海庶忘憂策馬度蘭臯緹控息椒丘採蕙遵大溥

地部

海

海

海

海鏡集卷之三
十六
拳若履長洲白華陽林紫藟華春流非徒不弭忘覽
物情彌道萱蘇始無慰寂寞終可求 齊謝朓望海詩

曰滄波不可望望極與天平往往孤山映處處春雲生
差池遠鴈沒颯沓羣鳧驚 齊祖孝徵望海詩曰登高

臨巨壑不知千萬里雲鳥相接連風潮無極已時看遠
鴻渡但見驚鷗起不假送將歸自然傷客子 梁劉孝

標登郁洲山望海詩曰滄溟聯霄岫曾嶺鬱噴峴下盤
鹽海底上轉靈鳥翼溟泐非可辯鴻溶信難測輕塵久
弭飛驚浪終不息雲錦曜石嶼羅綾文水色 沈約秋

晨望海詩曰分空臨澥霧披遠望滄流八桂暖如畫三

桑渺若浮煙極希丹水月遠望青丘 隋煬帝望海詩

曰碧海雖欣矚金臺空有聞遠水翻如岸遙山倒似雲
斷濤還共合連浪或時分馴鷗舊可狎卉木足爲羣方
知小姑射誰復語臨汾 又季秋觀海詩曰孟軻敘遊

聖枚乘說瘡疾遜聽乃前聞臨深驗茲日浮天迥無岸

含靈固非一委輸百谷歸朝宗萬川溢分城一作空碧霧

晴連洲彩雲密欣同夫子觀深愧元虛筆 虞茂奉和

望海詩曰清蹕臨溟漲巨海望滔滔十洲雲霧遠三山

波浪高長瀾疑浴日連島類奔濤神遊藐姑射睿藻冠

風騷徒然雖觀海何以効涓毫 唐太宗春日望海詩

地部 卷之三十一 海

日披襟眺滄海憑軾翫春芳積流橫地紀疏派引天潢
仙氣凝三嶺和風扇八荒拂潮雲布色穿浪日舒光照
岸花分彩迷雲鴈斷行懷卑運深廣持滿守靈長有形
非易測無源詎可量洪濤經變野翠島屢成桑之采思
漢帝碣石想秦皇霓裳非本意端拱是圖王 楊師道

奉和春日望海詩曰春日臨渤海征旅輟晨裝迴瞰盧
龍塞斜瞻肅慎鄉洪波迴地軸孤嶼映雲光落日驚濤
上浮天駭浪長仙臺隱螭駕水府泛龜梁碣石朝煙滅
之采歸雁翔北巡非漢后東幸異秦皇搴旗羽林客拔
距少年場電擊驅遼水鵬飛出帶方將舉青丘繳安訪

白霓裳

增唐李嶠詠海詩曰習坎疏丹壑朝宗合紫

三山巨鰲湧九萬大鵬飛樓寫青雲色珠含明月輝

會因添霧露方逐衆川歸 薛據西陵口觀海詩曰瀾

江漫湯湯近海勢彌廣在昔坏渾凝融爲百川決地形

失端倪天色潛混濛東南際萬里極目遠無象山影乍

浮沉潮波忽來往孤帆或不見棹歌猶想像日暮長風

起客心空振蕩浦口霞未收潭心月初上林嶼幾遭迴

亭臯時偃仰歲晏訪蓬瀛真游非外獎 獨孤及觀海

詩曰北登渤海島迴首秦東門誰尸造物功鑿此天池

源瀕洞吞百谷周流無四垠廓然混茫際望見天地根

白日自中吐扶桑如可捫迢迢蓬萊峰想像金臺存秦
帝昔經此登臨冀飛翻揚旌百神會望日羣山奔徐福
竟何成羨門徒空言唯見石橋足千年潮水痕 宋務
光海上作詩曰曠哉朝夕池大矣乾坤力浩浩去無際
汨汨深不測崩騰翕衆流泱泱環中國鱗介錯殊品氛
霞饒詭色天波混莫分島樹遙難識漢主探靈怪秦皇
恣遊陟搜竒大壑東竦望成山北方術徒相誤蓬萊安
可得吾君略仙道至化孚淳默驚浪接窮溟飛航通絕
域馬韓底厥貢龍伯修其職粵我邁休明匪躬期正直
敢輸鷹隼鷺以見豺狼忒海路行已殫輜軒未遑息勞

吾元月暮旅涕滄浪極魏闕眇雲端馳心負歸翼 李
白登高丘而望遠海詩曰登高丘望遠海六鼇骨已霜
三山流安在扶桑半摧折白日沉光彩銀臺金闕如夢
中秦皇漢武空相待精衛費木石鼇鼉無所憑君不見
驪山茂陵盡灰滅牧羊之子來攀登盜賊劫寶玉精靈
竟何能窮兵黷武今如此鼎湖飛龍安可乘 張說送
梁知微渡海東詩曰今日此相送明年此相待天上客
星迴知君渡東海 高適和賀蘭判官望北海詩曰聖
代務平典輜軒推上才迢遙溟海際曠望滄波開四牡
未遑息三山安在哉巨鼇不可釣高浪何崔嵬湛湛朝

百谷茫茫連九域挹流納廣大觀異增遲迴日出見魚
目月圓知蚌胎跡非想像到心以精靈猜遠色帶孤嶼
虛聲涵殷雷風行越裳貢水過天吳災攬轡隼將擊忘
機鷗復來緣情韻騷雅獨立遺塵埃吏道竟殊用翰林
仍忝陪長吟謝知己所愧非龍媒 王維送祕書晁監
還日本國詩曰積水不可極安知滄海東九州何處遠
萬里若乘空向國惟看日歸帆但信風鰲身映天黑魚
眼射波紅鄉樹扶桑外主人孤島中別離方異域音信
若爲通 宋蘇軾海市詩曰東方雲海空復空羣仙出
沒空明中蕩搖浮世生萬象豈有貝闕藏珠宮心知所

見皆幻影敢以耳目煩神工歲寒水冷天地閉爲我起
蟄鞭魚龍重樓翠阜出霜曉異事驚倒百歲翁人間所
得容力取世外無物誰爲雄率然有請不我拒信我人
厄非天窮潮陽太守南遷歸喜見石廩堆祝融自言正
直動山鬼豈知造物哀龍鍾信眷一笑豈易得神之報
汝亦已豐斜陽萬里孤鳥沒但見碧海磨青銅新詩綺
語亦安用相與變滅隨東風 又夜渡海詩曰參橫斗
轉欲三更苦雨終風也解晴雲散月明誰點綴天容海
色本澄清空餘魯叟乘桴意粗識軒轅奏樂聲九死南
荒吾不恨茲遊奇絕冠平生 楊萬里過金沙洋望小

海詩曰海霧初開明海日近樹遠山青歷歷忽然咫尺
黑如漆白晝如何成暝色不知一風何許來霧開還合
合還開晦明百變一彈指特地遣人驚復喜海神無處
逞神通放出一頭誇客子須臾滿眼賈胡船萬頃一碧
波黏天恰似錢塘江上望只無兩點海門山我行但作
遊山看減却客愁九分半 又潮陽海岸望海詩曰動
地驚風起海陬爲人吹散兩眉愁身行島北新春後眼
到天南最盡頭衆水更來何處著千峰赴此却回休客
間供給能消底萬頃煙波一白鷗 明林鴻海上讀書
詩曰浮雲薄海色萬里如秋空青蒼杳無際島嶼蟠蛟

龍上有讀書者結茅誰與同朝餐海上霞夕友滄江翁
乘桴嗟尼父把釣思任公猶慕魯連子不受却秦功干
金若土壤清名弔高風愧予老儒術白首且相從 俞
安期望海詩曰紛紛靈異變昏朝陰火隨波遠自飄龍
藏函經連水府蜃樓開市借雲霄星臨東極無分野山
入南荒有沃焦日日潮來長應候似應西答百川朝

原賦後漢班叔皮覽海賦曰余有事於淮浦覽滄海之
茫茫悟仲尼之乘桴聊從容而遂行馳鴻瀨以縹鷺翼
飛風而廻翔顧百川之分流煥爛熳以成章風波薄其
裊裊邈浩浩以湯湯指日月以爲表索方瀛與壺梁曜

金璆以爲闕次玉石而爲堂奠芝列於階路涌醴漸於
中堂朱紫彩爛明珠夜光松喬坐於東序王母處於西
廂命輯衆與岐伯講神篇而校靈章願結旅而自託因
離世以高遊騁飛龍之駿駕歷八極而迴周遂竦節而
響應忽輕舉以神浮遵霓霧之掩蕩登雲途以凌厲乘
虛風而體景超太清以增逝麾天關以啓路關闔闔而
望余通王謁於紫宮拜太一而受符 魏王粲遊海賦
曰乘菌桂之芳舟浮大江而遙逝翼驚風而長驅集會
稽而一睨登陰隅以東望覽滄海之體勢吐星出入天
與水際其深不測其廣無臬尋之冥地不見涯洩章亥

所不極盧敖所不屆懷珍藏寶神隱怪匿或無氣而能
行或含血而不食或有葉而無根或能飛而無翼鳥則
爰居孔鵠翡翠鸚鵡繽紛往來浮沉翱翔魚則橫尾曲
頭方目偃額大者若山林小者重鈞石乃有賁蛟大貝
明月夜光蠟鼈瑋瑁金質黑章若夫長洲別島碁布星
峙高或萬尋近或千里桂林叢乎其上海周乎其趾
羣犀代角巨象解齒黃金碧玉名不可紀洪洪洋洋誠
不可度也處燭爨之正位兮同色號於穹蒼包納污之
弘量正宗廟之紀綱總衆流而臣下爲百谷之君王

魏文帝滄海賦曰美百川之獨宗壯滄海之威神經扶

桑而遐逝跨天崖而託身驚濤暴駭騰踊澎湃鏗訇隱
潏涌沸凌邁於是龜鼉漸離汎溢淫遊鴻鸞孔鵠哀鳴
相求揚鱗濯翼載沉載浮仰喙芳芝俛漱清流巨魚橫
奔厥勢吞舟爾乃鈞大貝採明珠寒懸黎收砮硃窺大
麓之潛林覩搖木之羅生上蹇蹻以交錯下來風之泠
泠振綠葉以葳蕤吐芬葩而揚榮 晉木元虛海賦曰
昔在帝媯臣唐之世天網淳涵爲凋爲瘵洪濤瀾汗萬
里無際江河旣導萬穴俱流掎拔五岳竭涸九州於廓
靈海長爲委輸其爲怪則乃洩澗激濫浮天無岸波如
連山乍合乍散噓吸百川洗滌淮漢若乃霾曠潛消莫

振莫竦輕塵不飛纖蘿不動猶尚呀呷餘波獨湧若乃
邊荒速告王命急宣飛迅鼓節浮海凌山於是候勁風
揭百尺維長綃挂帆席望濤遠決罔然鳥逝一越三千
不終朝而濟所屆若乃負穢臨深虛誓愆祈則有海童
邀路馬銜當蹊天吳乍見而髣髴蜩象暫曉而閃屍爾
其大量也則南澗朱崖北灑天墟東演析木西薄青徐
經塗溲溲萬萬有餘吐雲霓含龍魚隱鯤鱗潛靈居其
垠則有天琛水怪鮫人之室瑕石詭暉鱗甲異質繁采
揚華萬色隱鮮陽冰不治陰火潛燃其魚則橫海之鯨
突抗孤遊茹鱗甲吞龍舟若其毛翼產殼剖卵成禽鳧

離離裊鶴子淋滲羣飛侶浴戲廣浮深且其爲器也苞
乾之奧括坤之區唯神是宅亦祇是廬何奇不有何怪
不儲茫茫積流含形內虛曠哉坎德卑以自居 潘岳
滄海賦曰徒觀其狀也則湯湯蕩蕩瀾漫形沈流沫千
里懸水萬丈測之莫量其深望之不見其廣無遠不集
靡幽不通羣溪俱息萬流來同含三河而納四瀆朝五
湖而夕九江陰霖則興雲降雨陽霽則吐霞曜日煮水
而鹽成剖蚌而珠出其中有蓬萊名嶽青丘奇山阜陵
別島隈環其間其山則累崔嵬萃峩降屈披滄流以
特起擢崇基而秀出其魚則有吞舟鯨鯢鮪鱓龍鬚蜂

目豺口狸斑雉軀怪體異名不可勝圖其蟲獸則素蛟
丹虬元龜靈鼉修龜巨鼈紫貝騰虵元螭蚴虬赤龍焚
蘊遷體改角推舊納新舉扶搖以抗翼汎陽侯以濯鱗
其禽鳥則鷗鴻鸕鷀駕鶩鷓鴣朱背煒燿縹翠蔥青詳
察波浪之來往遍聽奔激之音響力勢之所廻薄潤澤
之所彌廣信普天之極大橫率土而莫兩 庾闡海賦
曰昔禹啓龍門羣山旣鑿高明澄氣而清浮厚載勢廣
而盤礴坎德洊臻水源深博灌注百川控清引濁始乎
濫觴委輸大壑測之渺而無際望之杳而綿漠鬱拂冥
茫往來日月朏魄昏微乍明乍沒若夫長風鼓怒涌浪

碎磕颶波於萬里之間漂沫於扶桑之外於是百川輻
輳四瀆橫通迴颶決滂聳散穹窿映曉雲而色暗照落
景而俱紅驚浪堯我渺漫滌汨瀟漭潺湲浮天沃日鯨
鯢蘊而乍見虬螭涌而競遊靈鼉朱鼈出沒爭浮騰龍
掣水巨鱗吞舟 孫綽望海賦曰五湖同浸九江叢漑
抱河含濟吞淮納泗南控沅湘西引涇渭洲渚迢遞以
疏屬島嶼綿邈以牢羅殖鬼崔之碣石構穹窿之牂牁
元輿之府重仞之房鱗彙萬殊甲產無方包隋珠銜夜
光瑤瑁熠爍以泳游蠃螿煥爛以映漲虛貝含素而表
紫纓螺絡丹而帶紺青甲芬飈以微扇元木杳渺以舒

芳其卉木則綠苔石髮蔓以流綿紫莖萑綜解以被渚
華組依波而錦披翠綸扇風而繡舉長鯨嶽立以截浪
虬鰐揚鬚以排流巨鼈鼉負以冠山烏鰲呼翕以吞舟
鵬爲羽傑鯤稱介豪翼遮半天背負重霄舉翰則宇宙
生風抗鱗則四瀆起濤考萬川以周覽亮天地之綜緯
彌綸八荒亘帶九地昏明注之而不溢尾閭洩之而不
匱 齊張融海賦曰爾其海之狀也則窮區沒渚萬里
藏岸控會河濟朝總江漢湍轉則日月似驚浪動則星
河如覆展轉縱橫揚珠起玉峰勢崇高岫形參錯或如
前而未進乍非遷而已却却瞻無後向望何前長尋高

眺唯水與天若乃山橫蹴浪風倒摧波磊若驚山竭嶺
以竦石鬱若飛煙奔雲以振霞連瑤光而交彩接玉繩
以通華爾其奇名出錄詭物無書高岸乳鳥橫門產魚
蜻蟻瑇蚌綺貝繡螺元朱互綵綠紫相華

原贊宋謝惠連四海贊曰九夷六蠻八狄七戎雕鏤異
質裳羸殊風致之以德車軌斯同

增表唐韓愈潮州刺史謝上表曰經涉嶺海水陸萬里
臣所領州在廣府極東界上去廣府雖云纔二千里然
來往動經旬月過海口下惡水濤瀧壯猛難計程期颶
風鱷魚患禍不測州南近界漲海連天毒霧瘴氛日夕

發作

增碑韓愈南海神廟碑曰海於天地間爲物最鉅自三代聖王莫不祀事考於傳記而南海神次最貴在北東西三神河伯之上號爲祝融天寶中冊尊南海神爲廣利王祝號祭式與次俱升因其故廟易而新之在今廣州治之東南海道八十里扶胥之口黃木之灣常以立夏氣至命廣州刺史行事祠下事訖驛聞元和十二年始詔用魯國孔公爲廣州刺史以殿南服公正直方嚴中心樂易祇慎所職治人以明事神以誠內外單盡不爲表襮至州之明年將夏祝冊自京師至吏以時告公

乃齋被視冊誓羣有司曰明日吾將宿廟下以供晨事
公遂升舟風雨少弛權夫奏功雲陰解駁日光穿漏波
伏不興省牲之夕載暘載陰將事之夜天地開除月星
明概五鼓旣作牽牛正中公乃盛服執笏以入即事文
武賓屬俯首聽位各執其職牲肥酒香樽斝淨潔降登
有數神具醉飽海之百靈祕怪慌惚畢出蜿蜿蛇蛇來
享飲食闔廟旋艦祥飈送颿旗纛旄飛揚晝靄饒鼓
嘲轟高管噉譟武夫奮棹工師唱和穹龜長魚踴躍後
先乾端坤倪軒豁呈露祀之之歲風災息滅人厭魚蟹
五穀豐熟咸願刻廟石以著厥美而繫以詩乃作詩曰

南海陰墟祝融之宅即祀於旁帝命南伯吏情不躬正
自今公明用享錫右我家邦惟明天子惟慎厥使我公
在官神人致喜海嶺之陬旣足旣濡胡不均弘俾執事
樞公行勿遲公無遽歸匪我私公神人具依

增文唐李商隱賽海陽神文曰年月日賽於海陽之神
頃傷多稼將困驕陽未逢玉女之披衣空見土龍之矯
首式祈嘉霑果降明輝神其享彼蘭羞挹茲桂酒輔成
於多黍多稌助施於好雨好風庶厲業官以酬溥澤

河一

增春秋說題辭曰河之爲言荷也荷精分布懷陰引度

也 **原**說文云河者下也隨地下流而通也 穆天子

傳曰河與江淮濟三水爲四瀆河曰河宗四瀆之所宗

也 按水經注及山海經注河源出崑崙之墟 山海經曰崑崙

山縱橫萬里高萬一千里有青河白河赤河黑河環其墟其白水出其東北阪屈向東南流爲中國河河百里

一小曲千里一大曲發源及入中國大率常然 東流潛行地下至規期山北流

分爲兩源一出蔥嶺一出于闐其河復合東注蒲昌海

復潛行地下南出積石山西南流又東廻入塞燉煌酒

泉張掖郡南與洮河合過安定北地郡北流過朔方郡

西又南流過五原郡南又東流過雲中西河郡東又南

流過上都河東郡西而出龍門 汾水從東於此入河至河東即龍門所在

華陰潼關與渭水合又東迴過砥柱

砥柱山名河水分流包山而過山見

水中若柱然今陝州東河北陝縣三縣界

及洛陽

孟津所

至鞏縣與洛水合

成臯與濟水合

濟水出河北至王屋山而南截河渡正對成臯

又東北流過武

德與沁水合至黎陽信都

信都今冀州絳水所在絳水亦曰潰水一曰漳水也鉅

鹿之北遂分爲九河

鉅鹿今邢州大陸所在大陸潁名九河一徒駭二太史三馬頰四覆

釜五胡蘇六簡七潔八鈞盤九禹津

又合爲一河而入海

齊桓公塞九河以廣田居故館

陶貝丘廣川信都東光河間以東城池九河舊跡猶存漢代河決金堤南北多罹其害議者常欲求九河故跡

而穿之未知其所是以班固云自茲距漢已亡其八枝也河之故漬自沙丘堰南分屯氏河出焉

故尚

書稱導河積石至於龍門

今絳州龍門縣界

南至於華陰北至

於砥柱東至於孟津

在洛北都道所湊古今以爲津

東過洛汭至於大

伍

洛水今鞏縣在河洛合流之所也大伍山今汜水縣即故成臯也山再成曰伍北過絳水至

於大陸

其絳水今冀州信都大陸澤名今邢州鉅鹿又北播爲九河同爲逆

河入於海是也

同合也九河又合爲一名爲逆河逆初迎也言海口有朝夕潮以迎河水

禹自黎陽東北界分河爲二渠以引水一南出會隰川

今河所流也

今河滑州以東是舊隰水一出具丘即九河之上河王

莽時廢塞故俗謂之王莽河

史記河渠溝洫志並云河之爲害中國尤甚禹導

河自積石歷龍門又鑿二渠以引河如淳注二渠一出貝丘一則隰川王莽時河遂塞但用隰耳隋煬

帝於衛縣

今爲州衛縣因淇水之入河淇水亦曰清水立淇門以通

河東北行得禹九河之故道隋人謂之御河

增春秋

考異郵曰河者水之氣四瀆之精也所以流化

原爾

雅曰江河淮濟爲四瀆四瀆者發源注海者也 又曰

水自河出爲雍河出崑崙墟色白 山海經曰崑崙山

河水出焉 又曰陽紆之山河出其中陵門之山河出

其中 又曰積石之山其下有石門河水冒以西南流

物理論曰河色黃赤衆川之流蓋濁之也百里一小

曲千里一大曲一直一曲九曲以達於海 詩曰誰謂

河廣一葦航之誰謂宋遠跂予望之 左傳曰周詩有

之曰俟河之清人壽幾何 楚辭曰與汝遊兮九河衝

風起兮水揚波 孝經援神契曰河者水之伯上應天

漢 莊子曰河潤九里澤及三族 呂氏春秋曰古龍

河

門未開呂梁未發河出孟門大溢逆流名曰洪水禹乃
決流疏河爲彭澧之漳所活者千八百國此禹之功也
桓譚新論曰四瀆之源河最高而長從高注下其流
激迅故爲平地災害 傳曰河海不擇細流故能成其
深 淮南子曰河以逶迤故能遠 又曰河水九折注
海而流不絕者有崑崙之輸也 文子曰河之大溢不
過二日 **增**京房易傳曰河者經天亘地之水 抱朴
子云撮壤不能填決河升水不能冷原火 又云上膠
不能理黃河之濁尺水不能却蕭丘之火 又云馮彛
以八月上庚日渡河溺死天帝署爲河伯 元史曰朶

甘肅西鄙直馬湖蠻部正西三千餘里去雲南麗江府西北一千五百里水從地湧出百餘泓方七八十里履高瞰之燦若星列因名星宿海番名火敦腦兒東北流百餘里滙爲大澤又東流爲赤賓河又合忽蘭等河始名黃河又東北至陝西蘭縣始入中國又東北經沙漠地折而南流入山西境凡九千餘里魏書曰龜茲國南有大河東流號計式水即黃河也于闐國名樹枝水白孔六帖云閩摩黎山東距長安五千里河源其間流澄緩下稍合泉流色赤行益遠他水并注則濁故世舉稱西戎地曰河湟筆談曰陷河北人謂之活沙人

馬皆沒有數百人齊陷無子遺者或謂即流沙也 異
苑曰永寧縣濤山有河水色紅赤有自然石橋多魚獺
異禽陰雨時嘗聞靴角聲甚亮 水衡記曰黃河十二
月各有水名正月名凌解水二月三月名桃花水四月
名麥黃水五月名瓜蔓水瓜正蔓也六月名礬山水七
月八月名荻苗水荻花正開也九月名登高水十月名
復槽水落復故道也十一月十二月名蹙凌水冰斷復
結蹙起成層也 拾遺記曰黃河千年一清聖人之大
瑞也

河二

增河圖始開圖曰黃帝問風后曰余欲知河之始開風

后曰河凡有五皆始開乎崑崙之墟 三秦記曰禹鑿

龍門闢伊闕決江開岷道四瀆注鑿龍門以通河鑿岷
山以開江導淮於桐栢導濟於王屋故言導四瀆 又

曰河下龍門其流駛如竹箭駟馬追弗能及河津一名

龍門禹鑿山斷門濶一里餘黃河自中流下兩岸不通
車馬每暮春之際有黃鯉魚逆流而上得者便化爲龍

賈子說林曰河伯宴伯禹於河上獻亥旣之珠透山

光玳瑁五灰陳兆大龜延螭翥鳳鮫綃百兩宜土四時
寶花珊瑚樹五十株人間所無奇寶不可勝數禹悉不

受惟受河圖及大龜珊瑚樹兩株而行 中候曰禹理
洪水觀於河見白面長人魚身出曰吾河精也授禹河
圖而還於淵 晉地理志曰大禹觀於濁河而受綠字
淮南子曰武王伐紂渡於孟津陽侯之波逆流而擊
疾風晦暝人馬不相見於是武王左操黃鉞右秉白旄
瞑目而麾之曰余任天下誰敢害吾者於是波息遂渡
穆天子傳曰天子西征驚行至於陽紆之山河伯馮
彛之所都居是惟河宗氏河宗伯逆天子燕然之山天
子西征獵於滲澤獲白狐元貉以祭河宗 桓譚新論
曰王平仲云周譜言定王五年河徙故道今所行處非

禹所穿

原毛詩序曰新臺刺衛宣公也納伋之妻作

新臺於河上而要之國人惡之而作是詩也新臺有泚

河水瀰瀰

穀梁傳曰梁山崩壅遏河三日不流晉君

召伯尊伯尊過遇輦者問焉輦者曰君親素縞帥羣臣
哭之既而祠焉伯尊至君問之伯尊如其言而河流矣

增搜神記曰齊景公渡於江沅之河鼃銜左驂沒之

衆皆驚惕古冶子於是拔劍從之邪行五里逆行三里
至砥柱之下殺之乃鼃也左手持鼃頭右手拔左驂燕
躍錫踴而出仰天大呼水爲逆流三百步觀者皆以爲
河伯也

原左傳曰楚昭王有疾卜河爲祟大夫請祭

王曰江漢沮漳楚之望也河非所獲罪遂弗祭

增竹

書紀年晉昭公元年河赤於龍門三里梁惠成王四年

原

河水赤於龍門三日按京房易占河水赤下民恨
韓詩外傳曰申屠狄非其世將自投於河崔嘉聞而止
之曰醒仁之人民之父母也今爲濡足不救溺人可乎
申屠曰昔桀殺龍逢紂殺比干而亡天下吳殺子胥陳
殺泄冶而滅其國非無醒智不用故也遂負石而沉於
河

增

說苑曰韓褐子濟於河津人告曰夫人過於此

者未有不用事者也而子不用乎韓褐子曰天子祭海
內之神諸侯祭封域之內大夫祭其親士祭其祖禰褐

也未得事河伯也津人申楫舟中水而運津人曰向也
役人固已告矣夫子不聽役人之言也今舟中水而運
甚殆治裝衣而下遊乎韓子曰吾不爲人之惡我而改
吾志不爲我將死而改吾義言未已舟泆然行 又曰
梁相死惠子欲之梁渡河而遽墜水中船人救之船人
曰子欲何之而遽也曰梁無相吾欲往相之船人曰子
居船楫之間而困無我則子死矣子何能相梁乎惠子
曰子居艘楫之間則吾不如子至於安國家全社稷子
之比我蒙蒙如未視之狗耳

原史記曰秦滅六國自

以獲水德之瑞更名河曰德水

又曰漢高祖封功臣

誓曰黃河如帶 又曰元光中河決於瓠子於是天子
已用事萬里沙則還臨決河沈白馬玉璧於河令羣臣
從官自將軍以下皆負薪填決河而取淇園之竹以爲
楫天子既臨河決悼功之不成乃作瓠子之歌 **管前**

漢紀曰宣帝幸河東詔曰東濟大河天氣清靜神魚舞
河幸萬歲宮神爵翔集 東觀漢記曰郭伋爲潁川太

守光武召見辭謁帝勞之曰賢能太守去帝城不遠河
潤九里冀京師并蒙其福也 續漢書曰桓帝延熹九
年濟陰東郡濟北平原河水清襄楷上疏曰春秋注記
未有河清而今有之易乾鑿度曰上天將降嘉應河水

先清京房易傳曰河水清天下平今天垂異地吐妖民
厲疫三者並作而有河清河者諸侯之相清者陽明之
徵豈獨諸侯有窺京師也明年宮車晏駕徵解瀆侯爲
漢嗣是爲靈帝 桓譚新論曰大司馬張仲議曰河水
濁一石水六斗泥而民競決河漑田令河不通利至三
月桃花水至則決以其噎不泄也可禁民勿復引河
別傳曰梁冀專政天爲見異河水逆流五星失次張衡
對策曰水者五行之首滯而逆流者人君之恩不能下
及而教逆也 獻帝傳曰袁紹將濟河沮授諫曰宜留
屯延津分兵官渡紹弗從授臨濟歎曰上盈其志下務

其功悠悠黃河吾其不返乎 北史曰後魏高昂爲西
南道大都督徑趨商洛祭河伯曰河伯水中之神高敖
曹地上之虎行經君所故相決酬 通典曰天寶六載
河瀆封爲靈源公祝文云惟神上通雲漢光啓圖書分
導九枝旁潤千里素秋戒序用率典常 乾臆子曰郭
汾陽鎮蒲欲造浮橋而急流毀墀公酌酒許以小女妻
之其夕水退木立墀上遂成橋而小女尋卒因塑廟中
人因立公祠號爲河瀆親家翁 唐書薛平傳曰始河
溢瓠子東泛滑距城纔二里所平按求故道出黎陽西
南因命其佐裴弘泰往請魏博節度使田弘正弘正許

之乃籍民田所當者易以它地疏道二三十里以灑水
悍還墾田七百頃於河南自是滑人無患 又曰哀帝
天祐二年朱全忠聚朝士貶官者三十餘人於白馬驛
一夕盡殺之投屍於河初李振屢舉進士竟不中第故
深嫉縉紳之士言於全忠曰此輩常自謂清流宜投之
黃河使爲濁流全忠笑而許之 夢溪筆談曰慶曆中
決北都商河久之未塞三司度支副使郭申錫親往董
作凡塞河決垂合中間一埽謂之合龍門功全在此是
時屢塞不合時合龍門埽長六十步有水工高超者獻
議謂埽身太長人力不能壓埽不至水底故河流不斷

而繩纜多絕今當以六十步爲三節每節埽長二十步
中間以索連屬之先下第一節待其至底穴歷第二第
三舊工爭之以爲不可云二十步埽不能斷漏徒用三
節所費當倍而決不塞超曰第一節水信未斷然勢必
殺半歷第二節止用半力水縱未斷不過小漏耳第三
節乃平地施工足以盡人力處置三節旣定即上二節
自爲濁泥所淤不煩人功申錫主前議不聽超說是時
賈魏公帥北門獨以超之言爲然陰遣數千人於下流
收漉流埽旣定而埽果流而河決愈甚申錫坐謫卒用
超計商河方定

河三

原

九折

兩源

詳前

龍宮

貝闕

漢書武帝元光二年春河水從頓丘南流

入渤海其五月河決濮陽汎十六郡發卒十萬救決河起龍泉宮貝闕見上

捧土

轉石

朱浮與彭寵書曰柰何以區區漁陽而結怨於天子此循河濱之人捧土塞孟津多見其不知量也謝承後

漢書曰安帝時尚書陳龜上表曰仁恩廣被化流殊方使老者以壽終孤幼得保年猶運河轉石易於反掌

汎栢

航葦

毛詩曰汎彼栢舟在彼中河下詳前

玉牘

金繩

河圖

考靈曜曰趙王政以白璧汎河有黑頭公從河出謂政曰祖龍來授天寶開中有尺二玉牘河圖曰舜以大

尉即位與三公臨河觀黃龍五采負圖出置舜前以黃玉為柙白玉為檢黃金為繩紫芝為泥章曰天黃帝符

馬圖

龜讖

禮記曰天降膏露地出醴泉山出器車河出馬圖鄭元注馬圖龍馬負圖

而出孫柔瑞應圖曰玉龜者師曠時出河東之崖為聖圖出河負錄讖書

三門

九曲

鄴元水經注曰砥柱山在號之西界望之若柱故曰砥柱三川既決水流疏分指狀表目亦謂之三門成公綏

大河賦曰乘高赴下絕沒長奔馳會五戶分紲蓋

白壁衛弘漢舊儀曰祭四瀆者江河淮濟用三正牲圭沘有車馬紲蓋下詳玉牘注 榮光

休氣尚書中侯曰榮光出河休 開輿河洛 出圖開輿

符命用出子曰河 經瀆靈源 禹功秦德 遠續

圖書王道廢則竭絕今潰溢橫流長源 禹功秦德 遠續

禹功庇人乎 洋洋渾渾 詩河水洋洋北增秦

瑞魏寶 上見河二史記吳起為魏西河守武侯浮

魏國之寶也起原出崑崙 導積石並詳 包砥柱

冒石門前詳 魚折溜 龍甍水河圖曰黃帝云余夢

曰在德不在險

以授余於河之都天老曰天其授帝圖乎試齋以往視
之黃帝乃齊河洛之間求象見者至於翠嬌泉大盧魚
折溜而至乃問天老子見中河折溜者乎見之與天老
跪而授之魚汎白圖蘭采朱文以授黃帝舒視之名曰
錄圖春秋運斗樞曰舜即位為天子五年二月東巡狩至於中州與三公諸侯臨觀黃龍五采負圖出置舜前
前豐入水而前去沈白馬祭元貉
逝反宋均云豐去也

山 淪蒲海

並詳前

悲申屠

尋方叔

楚辭曰望大河之洲者悲申屠

之抗迹

論語曰鼓方叔入於河成公綏大河賦曰善尼父之不濟尋方叔之遠迹懿吳起之讜言大汎舟之

興 三日變

千年清

易乾鑿度曰天降嘉應河水先清三日清變為白白變為赤赤

變為黑黑變為黃各三日

王子年拾遺記曰丹丘千年一燒黃河千年一清皆至聖之君以為大瑞又黃河

清而聖

視諸侯

稱水伯

禮四瀆視諸侯下詳前

桃花水

竹箭流

薄海志河決而桃花水溢注云三月水漲名快予曰河下龍門流駛竹箭駟馬追之不及

增抱石沈

臨流歎

申屠秋事授臨流而歎

魏志沮詳見前

灌百川

潤九里

莊子曰秋水時至百川灌河光武詔曰河潤九里

原鱗屋龍堂

泉室水府

楚辭曰魚鱗屋兮龍堂紫貝闕兮朱宮王逸注貝作闕下見鮑昭河清頌

子

朝沈珪

延世錫爵

傳曰王子朝以成周之寶珪沈於河津人得之河上自浮水出將賣

之則爲石

漢武帝河決館陶上使王延世塞之三十六日河隄成遂爲河平元年上曰延世長於計策功費

約省乃賜爵關內侯及黃金百斤

上應絳河

中貫清濟

清濟貫黃河者截流

混而不

九里之潤

四瀆之宗

增延年開嶺

張騫

窮源

漢武帝時齊人王延年上書請令水工開大河上嶺出之胡中東注之海則關中長無水災北邊不

憂匈奴此功一成萬世大利上壯之漢書

賈讓獻

策 鮑昭爲頌

漢哀帝時賈讓奏治河三策元嘉中河濟俱清昭爲河清頌

宋 王

景賜書

成公著賦

水經注漢明帝永平中議治汴渠上引樂浪人王景問水形便因賜

景山海經

河渠書禹貢圖晉成公綏嘗著大河賦

原大禹鑿砥柱

巨靈擘

華山

水經注禹鑿砥柱以通河水下詳華山

增麾陽侯而渡

傷鳴犢

而還

武王伐紂事見前孔子之晉及河聞趙簡子殺寶鳴犢及舜華乃臨河而歎曰美哉洋洋乎丘之

不濟此命也

原見一清於千年

變五色於三日

河四

原祭先河

禮曰先王之祭川也皆先河而後海比之謂務本言海之本源自河

增偃鼠

飲河

莊子曰偃鼠飲河不過滿腹

原出胡中

齊人王延年上書請令水工開大河上嶺

出之胡中東注之海上北之詔曰延年計議甚深然大禹所導恐難更改

放北海

漢書賈讓奏言

治河者有上中下三策若徒其當水衝之人以避之放河使北入海汎濫甚月自定不勞人力此功一方河定

人安千載無患謂之上策若穿漕渠使人得以溉田雖
非聖人法然亦救時術也今據堅地作石隄東西水門
但用木與土耳旱則開東方水門以溉田水則開西方
高門以分河此誠富國安人興利除害謂之中策苟繕
完故隄增卑信薄勞費無已數逢此害爲最下策

神魚舞河

漢紀宣帝詔見前

原決成川

李尋解光曰江河滿溢所謂水

不順下明天道有因而作今由其自決且勿塞以觀水
勢河欲居之當稍自成川跳出沙土然順天心圖之必
有成功用

增河畔築堤

隋煬帝御河河畔築堤以植柳

原憂涸

子文

曰以數集之壽憂天下之亂猶憂
河水之涸注而益之注集年也

止濁

阿膠五寸不能止黃河之

增渡河還家

王績聚徒河汾間欲見兄弟輒渡河還家

河溢

馬燧還河陽秋

河溢軍吏請避燧曰使城中盡魚
而吾獨完吾不忍既而水不爲害

盤渦轂轉

李白雲臺歌曰

盤渦轂轉秦地雷

黃流

韓愈賦窺黃流之奔猛

入於天淵

宗柳

元晉問

清如井水

唐史乾元二年嶺州合河關河三十里

清澄徹

見底

寶應九年同州至陝州河清澄徹見底同上

濟州河清

永徽五年同上

隰

州黃河清

五代朱梁紀

滔滔河流

劉鄩諸將欲戰鄩悉召諸將入以河水一杯飲

之或飲或灑鄩曰一杯飲之猶難若此滔滔河流可盡乎

原大河

洪河

長河

中河

河五

原詩梁范雲渡黃河詩曰河流迅且濁湯湯不可陵桂

檝難爲榜松舟纔自勝空庭偃舊木荒疇餘故塍不覩

行人跡但見狐兔興寄言河上老此水何當澄 劉孝

威公無渡河詩曰請公弗渡河河廣風威厲檣偃落金

洪鈞卷三十一
三
烏舟傾沒犀柅紺蓋空嚴祀白馬徒生祭銜石傷寡心
崩城掩孀袂劒飛猶共水魂沈理俱逝君爲川后臣妾
作江妃娣 陳張正見公無渡河詩曰金堤分錦纜白
馬渡蓮舟風嚴歌響絕浪涌榜人愁擢折桃花水颿橫
竹箭流何言沉璧處千載偶陽侯 北齊蕭愨奉和濟
黃河應教詩曰大蕃連帝室驂駕奉皇猷未明驅羽騎
凌晨方畫舟津城度維錦岸柳夾緹油鐘聲颺別島旗
影照滄流早生劒服朝風起節樓滔滔細波動裔裔
輕舷浮迴橈避近磧放舳下前洲全疑上天漢不異謁
蓬丘望知雲氣合聽識水聲秋從君何等樂喜從神仙

遊

陳江總渡黃河詩曰蔥山淪外域鹽澤隱遐方兩

源分際遠九道派流長未殫所聞見無待驗詞章留連
嗟太史惆悵踐黎陽導波縈地節疏氣耿天潢憫周沉
用寶嘉晉輦爲梁 隋薛道衡渡北河詩曰連旌映激

浦疊鼓沸沙洲桃花長新浪竹箭下奔流塞雲臨遠艦
胡風入陣樓劔拔蛟將出驂驚黿欲浮鴈書終立效鷺
相果封侯勿恨關河遠且寬邊地愁 唐劉孝孫早發

成臯望河詩曰清晨發巖邑驅馬走鞞鞞迴瞰黃河上
惆恍屢飛魂鴻流導積石驚浪下龍門仙槎不辨處沉
僻想猶存遠近洲渚出颯沓鳧鴈喧懷古空延佇歎逝

將何言

增

李嶠詠河詩曰源出崑崙中長波接漢空

桃花來馬頰竹箭入龍宮德水千年變榮光五色通若
披蘭葉險漢使敢云功 高適同敬八盧五汎河間清
河詩曰清川在城下沿汎多所宜同濟愜數公翫物欣
良時飄飄波上興燕婉舟中詞昔涉乃平原今來忽漣
漪東流達滄海西流延滹池雲樹共晦明井邑相逶迤
稍隨歸月帆若與沙鷗期漁父更留我前潭水未滋

王維渡河到清河詩曰汎舟大河裏積水窮天涯天波
忽開坼郡邑千萬家行復見城市宛然有桑麻迴瞻舊
鄉國淼漫連雲霞 李白題瓜州新河餞族叔舍人賁

詩曰齊公鑿新河萬古流不絕豐功利生人天地同朽
滅兩橋對雙閣芳樹有行列愛此如甘棠誰云能攀折
吳關倚北固天險自茲設海水落斗門平湖見沙汭我
行送季父弭棹徒流悅楊花滿江來疑是龍山雪惜此
林下興愴爲山陽別瞻望清路塵歸來空寂滅 儲光

羲夜到洛口入黃河詩曰河洲多青草朝暮增客愁客
愁惜朝暮枉渚暫停舟中宵大川靜解纜逐歸流浦漵
旣清曠沁洞非阻修登艫望落月擊汰悲新秋倘遇乘
槎客永言星漢遊 李白公無渡河詩曰黃河西來決
崑崙咆哮萬里觸龍門波滔天堯咨嗟大禹理百川兒

啼不窺家殺湍陞洪水九州始蠶麻其害乃去茫然風
沙被髮之叟狂而癡清晨臨流欲奚爲旁人不惜妻止
之公無渡河苦渡之虎可搏河難馮公果溺死流海潛
海潛有長鯨白齒若雪山公乎公乎挂罨於其間篋篋
所悲竟不還 閩防與永樂諸公泛黃河作詩曰煙深
載酒入但覺暮川虛映水見山火鳴榔聞夜漁愛茲山
水趣忽與世人疎無暇燃官燭中流有望舒 駱賓王
晚渡黃河詩曰千里尋歸路一葦亂平源通波連馬頰
迸水急龍門照日榮光淨驚風瑞浪翻棹唱臨風斷樵
謳入聽喧岼迥秋霞落潭深夕霧繁誰堪逝川上日暮

他鄉魂

杜甫臨邑舍弟書至苦雨黃河泛溢隄防之

患簿領所憂因寄此詩用寬其意詩曰二儀積風雨百
谷漏波濤聞道洪河圻遙連滄海高職司憂悄悄郡國
訴嗷嗷舍弟卑棲邑防川領簿曹尺書前日至版築不
時操難假黿鼉力空瞻烏鵲毛燕南吹畎畝濟上沒蓬
蒿螺蚌滿近郭蛟螭乘九臯徐關深水府碣石小秋毫
白屋留孤樹青天失萬艘吾衰同泛梗利涉想蟠桃倚
賴天涯釣猶能掣巨鼈 宋王安石次御河詩曰客路
花時祇攪心行逢御水半晴陰背城野色雲邊盡隔屋
春聲樹外深香草已堪回步履午風聊復散衣襟憶君

載酒相追處紅萼青跗定滿林 晁補之黃河詩曰黃

河齧小吳天漢失龜鼈靈源潭下藕爛死只有菖蒲不生節白馬橋邊迎送胡冀州斷道無來車新隄築得高

嵒嶮舊堤杵聲未可絕

明劉基白楊河詩曰白楊河

下春水碧白楊河邊多估客東風二月柳條新却念行人千里隔岸上居人纔數家茅茨深處見桃花小婦河邊汲新水老翁門外看雛鴉桑苗未青麥苗綠牛羊散落邨墟牧行客年年任往來居人自住楊河曲 黃哲河渾渾詩曰河渾渾發崑崙度沙磧經中原噴薄砥柱排龍門環嵩絕華熊虎奔君不聞漢家博望初尋源揚

旌遠涉西塞垣窮探幽討事奇絕云是天津銀潢之所
接蔥嶺三時積雪消流沙萬派從東決東州沃壤徐豫
之墟懷山襄陵赤子爲魚夕沒鉅野朝涵孟諸茫茫下
邑皆沉汚民不粒食鄉無廬桑畦忽變葭澤麥壠盡
化龜鼉居宮中聖人方旰食羣公夙夜憂曠職星郎又
乘博望槎西去盟津求禹迹始聞古道行千艘一朝轉
徙纜容舫奔衝倏忽駭神怪淺不浮漚深沒篙我上梁
山望曹濮長歎滄桑變陵谷萬人舉鍤功莫施猶擬宣
防再興築宣防漢武威曷若堯無爲洪波閱九載端拱
垂裳衣元圭錫夏后安得辭胼胝龍門一疏鑿亘古功

巍巍巍巍功可成河水渾復清 何景明渡河詩曰夙
征輦延津明晨臨大河洪源下積石砥柱屹嗟峨渺渺
梁宋區汗漫縱經過自非陵與岸於安障其波揚帆赴
中流四顧莽無涯崇雲徂廣澤迅風夕吹沙積陰不可
測魚龍偃相加前無千尺梁一葦胡足誇人生寡怙居
奚異波上槎豈無舟楫志漂泊當奈何 屠隆潞河晚
泊詩曰迴浦落帆盡長堤帶郭斜暮煙平吐樹春雨薄
沈沙白艇藏漁市黃茅覆酒家一瓢雲水外不復問年
華 張時徹渡黃河詩曰黃河迴九曲適郢乍經過積
雨初添漲無風亦自波人行沙岸小樹近夕陽多爲愛

滄浪曲因之鼓柁歌 袁中道渡黃河詩曰如雪寒沙

千里平猛風雖盡浪猶驚草經青女全無色鴈過黃河
別有聲騎馬久無浮宅夢倚篷忽動蕩舟情可憐廣武
山常在寂寞誰知豎子名 陸鈇玉河詩曰玉河橋下
斷冰流流盡西風不見鷗縱然收得霜紅葉磨滅多情
一半愁 釋宗泐望河源詩曰積雪覆崇岡冬夏常一

色羣峰讓獨雄神君所栖宅傳聞懈谷篁造律諧金石
草木尚不生竹產疑非的漢使窮河源要領殊未得遂
令西戎子千古笑中國老客此經過望之長太息立馬
北風寒回首孤雲白

原賦魏應瑒靈河賦曰咨靈川之遐源于崑崙之神丘

凌層城之陰隅賴后土之潛流衝積石之重險披山麓

而溢浮蹶龍黃一作角而南邁兮紆鴻體而因流涉津路

之峻泉播九道乎中州紛瀕洞而騰鶩恒疊疊而阻征

輦乘高而迅逝陽侯沛而振驚有漢中葉兮金堤隕而

瓠子傾興萬乘而親務董羣后而來營下淇園之豐篠

投玉璧而沈星若夫長杉峻檟茂栝芬檣扶流灌列映

水蔭防隆條動而暢清風白日顯而曜殊光 晉成公

綏大河賦曰覽百川之弘壯兮莫尚美於黃河潛崑崙

之峻極兮出積石之嵯峨登龍門而南遊兮拂華陰與

曲阿陵砥柱而激湍兮踰洛汭而揚波體委蛇於后土
兮配靈漢於穹蒼貫中夏之畿甸兮經朔狄之遐荒歷
二周之北境兮流三晉之南鄉秦自西而啓壤兮齊據
東而畫疆殷徒涉而求固衛遷濟而遂強趙決流而却
魏嬴引溝而滅梁思先哲之攸歎何水德之難量

原頌宋鮑昭河清頌曰夫四皇六帝樹聲長世大寶也
澤浸羣生國富刑清鴻德也制禮裁樂淳風遷俗文教
也誅筮羯黠東顧象闕武功也鳴鳥躍魚滌穢河渠至
祥也大寶鴻德文教武功其崇如此幽冥同贊神祇與
能厥應如彼唯天爲大堯實則之抑又聞之勢之所覃

者淺則美之所傳者近道之所感者深則慶之所流者
遠聖命誰謔皇歷攸歸謀從筮協神與民推黃旗西映
紫蓋東暉納瑞璃玉升政衡璣汪彼四瀆潛此雙川伏
靈遙紀閔貺遐年澄波崑丘鏡流蕙山泉石凝澱水府
清涓 張暢河清頌曰渾渾洪河家國之濱襟帶晉衛
領袖齊秦龍門誕溜積石傳津乘運能有經啓天人化
流上帝時表初星飛書曝瑞龍圖照神協靈旣偉通氣
載榮

原銘後漢李尤河銘曰洋洋河水赴宗於海經自中州
龍圖所在昔周武諸侯會於孟津魚入王舟乃往尅殷

大漢承緒懷附遐鄰邦事來濟各貢厥珍

原

碑銘

周王褒四瀆祠碑銘曰靈祠嶽立貝闕雲浮寂

寥詭怪髣髴神遊姬嬴分國河渭合流桃花春水靈草
孤洲潼鄉河曲汾陰暎壤亂流不度龍門難上河魚送
迎江妃來往水開通跡山臨高掌智以藏往神以知來
榮光離合雲氣徘徊水仙遺操津吏餘杯波息川后浪
靖瞻臺 **增**王延昌河瀆神靈源公祠廟碑曰中國經
瀆河爲長上應析木下朝扶桑演崑崙踰積石繚大漠
經龍門灌注九州之間經營萬里之外古先哲后罔不
欽崇奠封居之儀修壇墀之制存乎祀典代以爲常則

班固序漢書所謂河祠臨晉是也偉其南直太華左隣
中條渭水過其傍汾睢揭其後風雲相盪精氣交馳於
以禮神事之宜也至於春以泮凍秋以涸流初以歲禱
終以報祈嘗醪有加駟駒是薦蓋以在雍州之域通天
子之都地旣稱雄禮云異數幽贊之力實賴河公息昏
墊之苦絕羨溢之憂濱河之人濶無大害此靈長之德
上善之功也辭曰浩浩長河中國之紀洪流激射橫制
地理蒸雲吐霧薦圖效祉是曰經瀆斯爲德水嗟我上
相四方是維維言祐之河公降禧衆神在列曾未區別
公爲之節內寢攸設寢廟亭亭中外有經濯濯厥靈妃

偶攸寧於戲祠宇焜燿中土在河之澚在城之下刊茲
片石昭灼千古

原贊東晉郭璞爾雅圖贊曰崑崙三層號曰天柱實維
河源水之靈府

原文後魏孝文帝祭河文曰維大和十九年皇帝告于
河瀆之靈坤元涌溢黃犢作珍浩浩洪流實裨陰淪通
源導物含介藏鱗啓潤萬品承育蒼旻惟聖作則惟禹
克遵浮檝飛帆洞厥百川朕承寶曆克纂乾文騰鸞淮
方旋鵠河瀆龍舫御瀆鳳旆乘雲汎汎棹舟翺翺泝津
宴我皇遊光余曩濱肇開水利漕典載新千艫桓桓萬

艘斌斌保我大儀惟爾作神 唐顏師古四大河祝文
曰維神上通雲漢光啓圖書分導九枝旁潤千里素秋
式序用率典常

原牋宋荀倫與河伯牋曰伏惟河伯府君君侯潛曜靈
泉翱翔神渚發洪流於崑崙揚高波於砥柱包四瀆以
稱王總百川而爲主

淵鑑類函卷三十六